

**Inuit innarluutillit tapersorsorneqarnissaannut Inatsisartut inatsisaat nr. 13, 12. juni
2019-imeersoq**

Kapitali 1

Aalajangersakkat aallarniutaasut

Siunertaq aamma siunertarineqartut

§ 1. Inatsisartut inatsisaanni matumani siunertaavoq:

- 1) innarluuteqarnerup malitsigisaanik ajornartorsiutit pillugit inuit innarluutillit siunnersorneqarnissamik tapersorsorneqarnissamillu neqeroorfingineqarnissaannik qulakkeerinniffingineqarnissaat,
- 2) inuup imminut ikiorsinnaanissaanik siuarsaneq imaluunniit ulluinnarni inuuneranik oqilisaassineq kiisalu inuunerinnerulersitsineq,
- 3) inuup innarluutillip ineriertorsinnaanissaanik aamma piginnaasai naapertorlugit nammeneq periarfissaqarfiinik atorluaasinnaanernik siuarsaneq, matumani inummut ataasiakkaamut tamanna periarfissaappat, ilinniagaqarnermik periarfissaq ilanngullugu,
- 4) inuit innarluutillit inuiaqtiginni naligiimmik periarfissaqarnissaasa aammalu innarluuteqarneq pissutigalugu assigiinngisitsinerup akerlilerneqarnissa tamatumuunalu sapinngisamik inuiaqtiginni tamakkiisumik sunniuteqarluartumillu peqataanissaasaakuunissaasalu qulakkeerneqarnissa, aamma
- 5) ataasiakkaat ilinniarnissaannut sulisinnaanissaannullu periarfissat siuarsarnissaat.

§ 2. Inuk innarluutilik allat assigalugit inuit pisinnaatitaaffiinik aamma tunngaviusumik kiffaanngissuseqarsinnaatitaanerannik tamaginnik tamakkiisumik ilorrisimaaruteqarsinnaatitaavoq. Inatsisartut inatsisaat manna malillugu tapersiineq pisinnaatitaaffinnik taakkuninnga qulakkeerinneqataassaaq.

Imm. 2. Inuup innarluutillip pissusissamisoortumik ataqqinassusaa, inuttut nammineersinnaanera, matumanilu kiffaanngissuseqarluni aalajangiisinnaanera inunnillu allanik attuumassuteqannginnera ataqqillugu, Inatsisartut inatsisaat manna malillugu tapersuineq pissaaq.

§ 3. Inuk innarluutilik ataqtigiiSagaasumik, ataqtigiiisumik tamakkiisumillu isiginnittumik, inummut tunngasut tamaasa aamma inuup inuunera mianeralugit, tapersorsorneqarnissaminut pisinnaatitaavoq.

Imm. 2. Inunnut ataasiakkaanut pitsaanerusussaq anguniarlugu ataatsimut naliliineq aallaavigalugu Inatsisartut inatsisaat manna malillugu aalajangiinerit pissapput.

Imm. 3. Pissutsit inummut innarluutilimmut tunngassuteqartut pillugit sapinngisamik inuup innarluutillip nammeneq isumai innimigineqassapput nammineerlunilu piginnaasai ineriertorneranilu

killiffia pissusissamisoortumik qajassuunneqassallutik.

§ 4. Inuup innarluutilip, aamma inummut taassumunnga angajoqqaatut sinniisuusup imaluunniit angajoqqaatut akisussaasut kissaatigippassuk, inuk innarluutilik angerlarsimaffimminiginnarnissaminut tapersorsorneqarnissaminik pisinnaatitaaffeqarpoq. Taamaaliorstinnaanissamut nammineq angerlarsimaffimmiiginnarnerup, inuup innarluutilip imaluunniit allat atugarissaarnerisa navianartorsiortinneqannginnissaat piumasaqaataavoq.

Imm. 2. Inuk innarluutilik, inuk tamatuminnga pisariaqartitsippat, najugaqarfissatut neqeroorummi naleqquttumik tapersorsorneqarnissaminut pisinnaatitaavoq.

§ 5. Pisortat illuutaat atortorissaarutaataallu sapinngisamik ima aaqqissuunneqassapput inuit innarluutillit isersinnaanissaat atuisinnaanissaallu qulakkeerneqassalluni.

Sullinniakkat

§ 6. Inatsisartut inatsisaat manna, ukiut apeqquaatinngagit, inunnut innarluutilinnut Kalaallit Nunaanni najugaqartunut, atuuppoq.

Imm. 2. Inuit innarluutillit tassaapput inuit ataavartumik timikkut, tarnikkut, silassorissutsikkut imaluunniit malugisaqarsinnaanikkut piginnaanikillisimasut, aporfilla assigiinngitsut sunniivigeqatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut.

Imm. 3. §§ 49-50-imi maleruagassat kiisalu allaffissornikkut najoqqtassiat § 56, imm. 7, aamma § 57, imm. 3 malillugit aalajangersagaasut, aammattaaq inunnut innarluutilinnut, pisortat tapersiinermi iliuuserisaannik Kalaallit Nunaata avataani inissinneqarsimasunut, atuupput.

§ 7. Meeqqat, inatsisartut inatsisaat manna aammalu Meeqqat tapersorsorneqarnissaannut Inatsisartut inatsisaat tunngavigalugit tapersorsorneqarnissamik pisinnaatitaasut, Inatsisartut inatsisaat taakku marluk tunngavigalugit pisariaqartitaminnik tapersorsorneqassapput. Ataqatigiissaakkamik kiisalu meeqqamut pitsaanerpaasussaq aallaavigalugu tapersersuineq tunniunneqassaaq.

Imm. 2. Meeqqamut innarluutilimmut tapersersuinerup Inatsisartut inatsisaat manna malillugu aallartinneqartup, meeqqat tapersorsorneqarnissaannut Inatsisartut inatsisaat aammalu inatsisit allat malillugit meeqqamut tassunga suliniuteqarnermut aallartinneqartumut, ataqatigiissinneqarnissaat communalbestyrelsip isumagissavaa. Meeqqamut immaqalu meeqqap ilaquaanut imaluunniit meeqqap isumassuisuinut tapersersuineq Inatsisartut inatsisaat manna malillugu aallartinneqartoq, inatsisit allat malillugit ilaqtariinnut suliniutigineqartunut ataqatigiissaarneqarnissaa communalbestyrelsip aammattaaq isumagissavaa.

Kapitali 2

Aalajangiisinnaatitaaneq aamma akisussaaffeqarneq

Tapersiinissamut periarfissat

§ 8. Inuit innarluutillit pisariaqartitaminnut tapersorsorneqarnermik pisarnissaat, aamma Inatsisartut inatsisaat manna malillugu inunnut innarluutilinnut tapersiinissamut periarfissanik pisariaqartunik peqarnissaa, communalbestyrelsip isumagissavaa.

Imm. 2. Najugaqaqatigiiffinni aamma najugaqarfinni illersugaasuni inissat pisariaqartinneqartut naammattut pigineqarnerat communalbestyrelsip isumagissavaa.

Ulloq unnuarlu neqeroorutit

§ 9. Inunnut innarluutilinnut ulloq unnuarlu neqeroorutini inissat pisariaqartinneqartutut amerlassuseqarnissaat Naalakkersuisut isumagissavaat.

Imm. 2. § 48 malillugu inunnut innarluutilinnut, ulloq unnuarlu neqeroorutini najugaqartunut, Naalakkersuisut illersugaasumik suliffeqartitsinissamik, sammisaqartitsinissamik, katerisimaaqateqartitsisarnissanillu neqerooruteqassapput.

Imm. 3. § 48 malillugu suliffeqartitsinissanut, sammisassaqartitsinissanut katerisimaaqateqartitsisarnissanillu neqeroorutit pillugit maleruagassanik erseqqinnerusunik Naalakkersuisut aalajangersaassapput.

Qitiusumik inissiinissamut innersuussisarfik

§ 10. Qitiusumik inissiinissamut innersuussisarfimmik Naalakkersuisut ingerlatsissapput (Qitiusumik Inissiinissamut innersuussisarfik).

Imm. 2. Qitiusumik inissiinissamut innersuussisarfik pillugu maleruagassanik erseqqinnerusunik Naalakkersuisut aalajangersaasinnaapput, matuman i ulloq unnuarlu neqeroorutini kiisalu Inunnut Innarluutilinnut Sullissivimmut Nunamut Tamarmut atuuttumut inissiinissaq ilanngullugit.

Inunnut Innarluutilinnut Sullissivik Nunamut Tamarmut Atuuttoq

§ 11. Inunnut innarluutilinnut sullissivimmik nunamut tamarmut atuuttumik Naalakkersuisut ingerlatsissapput, tassani suliassaassallutik:

- 1) inuit innarluutillit ilaquaasalu Inatsisartut inatsisaat manna pillugu siunnersorneqartarnerat ilitsorsorneqartarnerallu, matuman tapersersuineq pillugu aalajangiinerit naammagittaalliuutigineqartarnissaannut periarfissaqarneq ilanngullugu,
- 2) communalbestyrelsintut Inatsisartut inatsisaat manna pillugu siunnersuineq ilitsersuinerlu, matuman tapersersuinissanut periarfissat aamma suliassanik suliarinninneq ilanngullugit,
- 3) § 44 malillugu, inuup innarluutillip ulluinnarni sapinngisamik pitsaanerpaaamik piginnaaneqarnissaa siunertaralugu, inunnut innarluutilinnut piginnaanngorsarneqarnissamik piginnaanngorsaqqinnejarnissamillu neqerooruteqarneq,
- 4) inunnut innarluutilinnut tapersersuinermut pissutsinullu ilisimasat pillugit qitiusumik sullissiviunissaq,
- 5) kommuninut, inunnut innarluutilinnut taakkualu ilaquaannut, innarluuteqarneq aammalu tapersersuinermut periarfissat pillugit pikkorissaanernik neqerooruteqarneq,
- 6) § 25 malillugu, sulianilu immikkut pisariusuni communalbestyrelsimit piumaffigineqarneq

malillugu, qulaajaaneq, aamma

7) § 61, imm. 4 malillugu kommunalbestyrelsimit piumaffigineqarneq malillugu najugaqarfissatut neqeroorumiikkunnaarnissaq pillugu suliani oqaaseqaateqartarneq.

Imm. 2. Inunnut Innarluutilinnut Sullissivimmut Nunamut Tamarmut Atuuttumut kommunalbestyrelsip atuineranut akigititat pillugit maleruagassanik erseqqinnerusunik Naalakkersuisut aalajangersaasinnaapput.

§ 12. Suliami aalajangersimasumi, paasissutissallu suliap suliarineqarneranut pingaaruteqarpata, paasissutissanik inummut tunngassuteqartunik, § 11, imm. 1 malillugu suliaqartillugit, kommunalbestyrelse Inunnut Innarluutilinnut Sullissivimmit Nunamut Tamarmut Atuuttumut ingerlatitseqqissinnaavoq, matumani paasissutissat inummut aalajangersimasumut tunngassuteqartut ilanngullugit.

Imm. 2. Aatsaat inuk suliami pineqartoq, imaluunniit tassunga angajoqqaatut sinniisuusoq imaluunniit angajoqqaatut akisussaasoq akuersiteeqqaarlugit imm. 1 malillugu inummut paasissutissat kommunalbestyrelsip ingerlateqqissinnaavai, taamaattoq takuuq imm. 3.

Imm. 3. Imm. 2 malillugu akuersissut tunniunneqarumanngippat, imaluunniit allanik pissuteqartumik akuersisummik piniartoqarsinnaanngippat, kommunalbestyrelsip paasissutissat inummut tunngasut ingerlateqqissinnaavai, matumani paasissutissat inunnut tunngasut mianerilluinnartariaqartut ilanngullugit, suliami pissutsit, matumani inuup inatsisitigut isumannaatsuunissaata eqqarsaatigineqarnera ilanngullugu, erseqqissumik pisariaqartippassuk. Ingerlatitseqqinnermut piumasaqaataavoq inuup soqutigisaanik nakkutiginninnissaq, taamaaliornerullu isertuussiinnarnissamik peqquteqarnissamut soqutigisat ersarissumik qaangersimassagai, matumani inuup pineqartup, paasissutissat tunngaviata, mianerineqarnissaata eqqarsaatigineqarnissaa ilanngullugu.

Kapitali 3

Najugaqarfissatut neqeroorutinik pilersitsisarneq ingerlatsinerlu

Najugaqaqatigiiffiit aamma najugaqarfiit illersugaasut

§ 13. Inunnut innarluutilinnut najugaqaqatigiiffinnik kommunalbestyrelse pilersitsisinnaavoq, ingerlatsisinnaavoq matusisinnaallunilu. Najugaqaqatigiiffik najugaqartunut ulluunerani tapersersuinissamik neqerooruteqassaaq.

Imm. 2. Najugaqaqatigiiffinnik pilersitsinissamik Naalakkersuisut kommunalbestyrelse peqqusinnaavaat, ima pisoqartillugu:

- 1) inuit marluk arlallilluunniit, § 46 malillugu najugaqaqatigiiffimi ineqarnissamut pisinnaatitaasut, 18-it sinnerlugit ukioqarpata aammalu kommunimi najugaqarlutik, aamma
- 2) pineqartut taakkua ataatsimoorlutik najugaqaqatigiissinnaappata.

Imm. 3. Najugaqaqatigiiffiit pillugit maleruagassanik erseqqinnerusunik Naalakkersuisut aalajangersaassapput, matumani ilanngullugit:

- 1) najugaqaqatigiiffiit aaqqissuunneqarnerat,
- 2) aqtsinikkut sulisoqarnikkullu piginnaasaqarfiit, aamma
- 3) sulisunut pisortanullu pinerluuteqarsimannnginnermik, aamma meeqqanik pinerliisimannnginnermik

uppernarsaammik piniarnissaq.

§ 14. Inunnut innarluutilinnut najugaqarfinnik illersugaasunik communalbestyrelse pilersitsisinhaavoq, ingerlatsisinhaavoq matusisinhaallunilu. Najugaqarfik illersugaasoq ulloq unnuarlu tamaat tapersersuinissamik najugaqartunut neqerooruteqassaaq.

Imm. 2. § 47 malillugu najugaqarfimmi illersugaasumi ineqarnissamut pisinnaatitaasunut inunnut marlunnut arlalinnulluunniit, 18-it sinnerlugit ukiulinnut kommune angerlarsimaffittut kommunerineqarpat, najugaqarfimmik illersugaasumik communalbestyrelse pilersitseqqullugu Naalakkersuisut peqqusinnaavaat.

Imm. 3. Najugaqarfinnut illersugaasunut maleruagassanik erseqqinnerusunik Naalakkersuisut aalajangersaassapput, matumani ilanngullugit:

- 1) najugaqarfiiit illersugaasut aaqqissuunneqarnerat,
- 2) aqutsinikkut sulisoqarnikkullu piginnaasassat, aamma
- 3) sulisunut pisortanullu pinerluuteqarsimannginnermik, aamma meeqjanik pinerliisimannginnermik uppernarsaammik piniarnissaq.

§ 15. Najugaqaqtigiiffiit aamma najugaqarfiiit illersugaasut pitsaassusissaannut malitassat pillugit maleruagassanik erseqqinnerusunik Naalakkersuisut aalajangersaassapput.

§ 16. Inuk kommunimi allami inisisimasumi najugaqaqtigiiffimmiiinnissamik imaluunniit najugaqarfimmi illersugaasumiinnissamik neqeroorfingineqassasoq communalbestyrelse aalajangerpat, communalbestyrelsip inuup najugaqaqtigiiffimmiiinneranut imaluunniit najugaqarfimmi illersugaasumiinneranut aningaasartuutit akilissavai.

Imm. 2. Imm. 1 malillugu kommunip avataani najugaqaqtigiiffimmiiinnissaq imaluunniit najugaqarfimmi illersugaasumiinnissaq neqeroorutigineqarpat, communalbestyrelse najugarisap nuunneqarnerani aningaasartuutinut matussutissanik aningasaqarnikkut tapersiinissamik neqerooruteqassaaq.

§ 17. Kommunalbestyrelse ataatsimiitaliamik pilersitsisinhaavoq, tassani kommunimi najugaqaqtigiiffiit aamma najugaqarfiiit illersugaasut tamarmik imaluunniit aalajangersimasut, kiisalu aallartitat allat najugaqaqtigiiifinni aamma najugaqtigiiifinni illersugaasuni najugaqartunut tamakkiisumik isiginnittumik ataqtigissaarinermi akuutinneqarnissaannik naleqquttuusorineqartut, aallartitaassallutik.

Imm. 2. Oqartussaasut peqataasut suliani ataasiakkaani suleqtiginnermut ilaattillugu paassisutissat suliap suliarineqarneranut pingaaruteqarpata, inummut paassisutissat paarlaasseqtigisiutigisinhaavaat, matumani paassisutissat inummut tunngasut mianerisariallit ilanngullugit. Inummit suliami pineqartumit, imaluunniit taassuma angajoqqaatut sinniisuanit imaluunniit angajoqqaatut akisussaasunit akuersissut tunniunneqarpat aatsaat, oqaaseqtigii siullit malillugit paassisutissanik paarlaasseqtigiiitoqarsinnaavoq, taamaattoq takuuk imm. 3.

Imm. 3. Imm. 2 malillugu akuersineq tunniunneqarumanngippat, imaluunniit allanik pissuteqartumik akuersinerup piniarnissaa ajornarpat, suliami pisut, matumani inuup inatsisitigut isumannaatsuunissaata eqqarsaatigineqarnera ilanngullugu, tamanna pisariaqartippassuk, paassisutissat inummut tunngasut, matumani paassisutissat inummut tunngasut mianerisariallit ilanngullugit,

paarlaasseqatigiissutigineqassapput.

Ulloq unnuarlu neqeroorutit

§ 18. Naalakkersuisut inunnut innarluutilinnut ulloq unnuarlu neqeroorummik pilersitsisinhaapput, ingerlatsisinhaapput matusisinhaallutilu, matumani ulloq unnuarlu neqeroorutit matoqqasut ilanngullugit.

Imm. 2. Ulloq unnuarlu neqeroorut matoqqasoq tassaavoq ulloq unnuarlu neqeroorut, imaluunniit ulloq unnuarlu neqeroorummii immikkoortortaq, matut silarliit igalaallu parnaaqqtittuarnissaannut akuerisaasoq.

Imm. 3. Ulloq unnuarlu neqeroorutinut maleruagassanik erseqqinnerusunik Naalakkersuisut aalajangersaassapput, matumani pilersitsineq, aaqqissugaanera, aqutsisui, ingerlatsineq kiisalu ulloq unnuarlu neqeroorummii sulisunut pisortanullu pinerluuteqarsimannginnermik aamma meeqqanik pinerliisimannginnermik upernarsaammik piniarnissaq ilanngullugit.

§ 19. Inummut innarluutilimmuit ulloq unnuarlu neqeroorumiittumut ulloq unnuarlu inissiiviusumut ataatsimut akigititaq aalajangersagaasoq atorlugu kommunalbestyrelse inissiisoq akiliissaaq.

Imm. 2. Imm. 1 malillugu ullormut unnuamullu inissiinermi akigititaq atorneqartoq, kommunalbestyrelsip inissiisimasup akiliutissaa, Naalakkersuisut kommunalbestyrelsillu, imaluunniit kommunit ataatsimoorlutik sinniisaata, isumaqatigiinniareernerisigut ukiumoortumik aalajangerneqartassaaq, taamaalilluni akigititap tamarmiusup ulloq unnuarlu neqeroorutip ingerlatsinerminut aningaasartuutai matussuserneqarniassammata. Imm. 1 malillugu Naalakkersuisut ulloq unnuarlu neqeroorumiinnermut akigititaq ukiumoortumik aalajangersassavaat aammalu Naalakkersuisut.gl atorlugu tamanut saqqummersissallugu.

§ 20. Ulloq unnuarlu neqeroorut Naalakkersuisunut ukiumoortumik nalunaarusiortassaaq. Naalakkersuisut kingusinnerpaamik Inatsisartut upernaakkut ataatsimiinneranni Inatsisartunut ataatsimoortumik ukiumoortumik nalunaarusiortassapput.

Imm. 2. Ukiumoortumik nalunaarusiornermut maleruagassanik erseqqinnerusunik Naalakkersuisut aalajangersaasinnaapput.

§ 21. Ukiut 4-kkaarlugit ataasiarlutik ulloq unnuarlu neqeroorutinut suliassaqarfiup ineriartortinneqarnissaanut nuna tamakkerlugu periusissamik Naalakkersuisut suliaqartassapput, siullermik 2021-imi suliarineqassalluni.

Imm. 2. Periusissami imarineqassapput:

- 1) Ulloq unnuarlu neqeroorummik pilersitsineq matusinerlu.
- 2) Ulloq unnuarlu neqeroorutini ataasiakkaani sullinniarneqartut kiisalu tassani allannguueteqartitsinissamik kissaatigineqartut.
- 3) Ulloq unnuarlu neqeroorutinut innersuussisarneq pillugu kommunimik suleqateqarneq, matumani najugaqaqatigiiffinnik aamma najugaqarfinnik illersugaasunik suleqateqarneq ilanngullugit.

Imm. 3. Ulloq unnuarlu neqeroorutini pisortat, soqtigisaqaqatigiiffiit attuumassuteqartut kiisalu kommunalbestyrelsit Naalakkersuisut periusissanik suliaqarnerminni akuutissavaat.

Kapitali 4

Sullissinermi maleruagassat

Piffissaliussat

§ 22. Inatsisartut inatsisaat manna malillugu taperserneqarnissaq pisinnaatitaaffigineqarnersoq, taamaattoqarpallu suut tapersiissutaassanersut pillugit apeqqutigineqartut, sapinngisamik sukkasuumik kommunalbestyrelsip suliarissavai.

Imm. 2. Taperserneqarnissaq pillugu qinnuteqaatip tiguneqarneranit, aalajangiinerup pereersimanissaanut piffissaq qanoq sivisutigissanersoq, piffissamut killiliussanik kommunalbestyrelse aalajangersaassaaq. Inatsisartut inatsisaat manna malillugu piffissaliussisoqarsimappat, tamanna atuutissanngilaq. Piffissamut killissaliussat annerpaamik ukiut 2-kkaarlugit nalilersorneqartassapput kommunillu internettikkut quppersagaani tamanut saqqummiunneqassallutik.

Imm. 3. Imm. 2 malillugu piffissamut killiliussaq, sulami aalajangersimasumi malinneqarsinnaanngippat, inuk innarluutilik imaluunniit taassumunnga angajoqqaatut sinniisoqarsimaguni sinniisuuosoq imaluunniit angajoqqaatut akisussaasut, piffissaliussap naannginnerani aalajangiineq qaqugu pisinnaanersoq pillugu allaganngorlugu nalunaarfingineqassaaq, tassani aamma ilaassalluni sooq piffissaliussaq eqqortinnejqarsinnaasimannnginnersoq.

Oqaloqateqarneq

§ 23. §§ 38, 60 aamma 61 malillugit aalajangiisoqannginnerani kommunalbestyrelsip inuk innarluutilik minnerpaamik ataasiarluni oqaloqatigissavaa, taamaattoq takuuk imm. 4.

Imm. 2. Imm. 1 malillugu kommunalbestyrelsip oqaloqateqarnermini inuup innarluuteqarnera mianerissavaa aammalu oqaloqateqarneq inuup innarluutilip piumasai tunngavigalugit ingerlatissallugu.

Imm. 3. Inuk innarluutilik 18-it inorlugit ukioqarpat imaluunniit nammineersinnaajunnaarsitaasimappat imm. 1 malillugu oqaloqatigineqarnera, inuk innarluutilik, taassumalu angajoqqaatut akisussaasui imaluunniit angajoqqaatut sinniisoqarsimaguni sinniisaa, peqataatillugit ingerlanneqassaaq. Taamaattoq inummut innarluutilimmut mianerisassat tamanna pisariaqartippassuk, angajoqqaatut akisussaasut imaluunniit angajoqqaatut sinniisoq akuersitinnagu imaluunniit najuutsinnagu oqaloqateqarneq ingerlanneqarsinnaavoq. Angajoqqaatut akisussaasut imaluunniit angajoqqaatut sinniisoq akuersiteeqqaarnagit peqataatinnagilluunniit oqaloqateqarneq ingerlanneqassappat, taava § 24 malillugu illersuisumik toqqaasoqassaaq ilaasoqarlunilu.

Imm. 4. Inuup inerisimanera piginnaasaqarneralu imaluunniit suliap suussusaa eqqarsaatigalugit oqaloqateqarnerup ingerlanneqarnissaq aalajangiisuusumik naleqqutinngippat, imm. 1 malillugu oqaloqateqarneq ingerlanneqassanngitsoq kommunalbestyrelsip aalajangersinnaavaa. Oqaloqateqarneq ingerlanneqarsinnaanngippat, inuup innarluutilip aalajangiinissatut eqqarsaatigineqartumut isumaa allatut pissarsiariniarneqassaaq. Oqaloqateqarneq pisimangippat, inuup iliuusissanut pilersaarutaani tamanna pissutaasorlu pillugit allattoqassaaq.

§ 24. Illersuisoqarnermik aaqqissuussineq kommunalbestyrelsimit pilersinneqassaaq siunertaralugu inuup innarluutilip illersuisumit tapersorsorneqarnissaa:

- 1) Inatsisartut inatsisaat manna malillugu kommunalbestyrelsip tapersiinissaq pillugu suliamik suliarinninnerani,
- 2) Inatsisartut inatsisaat manna malillugu kommunalbestyrelsip tapersiinissaq pillugu aalajangiineranut naammagittaalliuummik suliaqarnissami tunniussinissamilu, aamma
- 3) Inatsisartut inatsisaat manna malillugu tapersiinissaq pillugu aalajangiinermut tunngatillugu naammagittaalliuummumut suliamik Isumaginninnermi Naammagittaalliuuteqartarfiup suliarinninnerani.

Imm. 2. Toqqaasарneq, aningaasarsiaqartitsisарneq, pinerluuteqarsimannginnermut meeqqanillu innarliisimannginnermut uppernarsaammik piniartarneq, kiisalu piukkunnassutsinut piginnaasaqarfinnullu piumasaqaatit suut illersuisumit piumasaqaatigineqartassanersut pillugit maledruagassanik ersarinnerusunik Naalakkersuisut aalajangersaasinnaapput.

Qulaajaaneq

§ 25. Inuk kapitali 8-mi aalajangersakkat malillugit tapersorsorneqarnissamik imaluunniit kapitali 9-mi aalajangersakkat malillugit najugaqarfissatut neqeroorummi najugaqarnissamik pisariaqartitsisoq ilimagineqartariaqarpat, inummut innarluutilimmut tunngasunik qulaajaanermik kommunalbestyrelse suliaqassaaq. Taamaattoq qulaajaanissaq pisariaqanngitsoq ersarippat, qulaajaaneq ingerlanneqassanngilaq.

Imm. 2. Qulaajaaneq sapinngisamik tulliini taaneqartut suleqatigalugit ingerlanneqassaaq:

- 1) inuk innarluuteqartoq,
- 2) nammineersinnaajunnaarsitaasimappat angajoqqaatut sinniisua,
- 3) angajoqqaatut sinniisoq, meeraasimappat tassunga angajoqqaatut akisussaasoq, kiisalu
- 4) isumassuisui allat.

Imm. 3. Qulaajaaneq, pissutsit pisinnaatippassuk, sapinngisamik qajassuartumik ingerlanneqassaaq, aammalu siunertaasuni allassimasunit annertunerusinnaanani.

Imm. 4. Qulaajaanermut atatillugu kommunalbestyrelsip makkua nalilersussavai:

- 1) Ataavartumik timikkut, tarnikkut, silassorissutsikkut imaluunniit malugisaqarsinnaanikkut piginnaanikillisimanerup annertussusaa.
- 2) Imminut isumassorneq.
- 3) Pissusilersoneq, atugarissaarneq ineriartornerlu.
- 4) Attaveqaqtigiinneq.
- 5) Ilaqutariinnermi pissutsit.
- 6) Inooqatigiinnermi pissutsit aamma inooqatigiinni inooqataaneq.
- 7) Peqqissutsimut tunngasut.
- 8) Ilinniarneq, suliffeqarneq aamma suliffeqarnissamut periarfissat.
- 9) Inuiaqatigiinni peqataaneq.
- 10) Inatsisartut inatsisaat manna malillugu imaluunniit inatsisit allat malillugit tapersersuineq, inummut ikorsiissutigineqareersoq.

Imm. 5. Tapersiinerup aallartinneqarnissaa tunngavissaqarnersoq pillugu kommunalbestyrelse qulaajaaneq tunuliaqutaralugu aalajangiisaaq.

Imm. 6. § 26 malillugu qulaajaaneq allaganngorlugu iliuusissanut pilersaarummik tunngavilersugaasumik inerneqassaaq.

Imm. 7. § 38, imm. 4 malillugu tapersiinissaq pillugu communalbestyrelse aalajangiigallarsimappat, tapersiineq aalajangiigallarneq tunngavigalugu aallartinneqartoq ingerlatiinnarneqassanersoq imaluunniit unitsinneqassanersoq, qulaajaanerup naammassineranut atatillugu communalbestyrelse isummissaaq. Tassunga atatillugu inuk tassungalu angajoqqaatut sinnisoq imaluunniit angajoqqaatut akisussaasut tapersiinermut isummernissaat eqqarsaatigineqassaaq.

Imm. 8. Imm. 1 malillugu suliani immikkut pisariussusilinni § 11, imm. 1, nr. 6 malillugu qulaajaaneq Inunnut innarluutilinnut Sullissivimmut Nunamut Tamarmut Atuuttumut communalbestyrelsip suliareqqusinnaavaa.

Imm. 9. Qulaajaanermut maleruagassanik erseqqinnerusunik Naalakkersuisut aalajangersaassapput, matumani qulaajaanerup ingerlanneqarnissaa, ilusissaa imassaalu kiisalu ingerlaneqarnissaanut naammassineqarnissaanullu piffisanut piumasaqaatit ilanngullugit.

Iliuusissanut pilersaarut

§ 26. Inunnut innarluutilinnut communalbestyrelsit allaganngorlugu iliuusissanut pilersaarutinik suliaqassapput ima pisoqartillugu:

- 1) § 25 malillugu qulaajaanermut atatillugu.
- 2) Kapitali 8 malillugu tapersorsorneqarnissap imaluunniit kapitali 9 malillugu najugaqarfissatut neqeroorummi najugaqarnissap aallartinnissaa pillugu aalajangiisoqannginnerani.
- 3) Kapitali 14 malillugu tapersiinerup allanngortinneqarnissaa imaluunniit unitsinneqarnissaa pillugit aalajangiisoqannginnerani.
- 4) Meeqqap innarluutilip, Inatsisartut inatsisaat manna malillugu tapersiivigineqartup, meeqqat atuarfianni atualernissaa kingusinnerpaamik qaammatinik 6-inik sioqquillugu.
- 5) Meeqqap innarluutilip, Inatsisartut inatsisaat manna malillugu tapersiivigineqartup, meeqqat atuarfianni atuarnerata naammassinissaa kingusinnerpaamik qaammatinik 12-inik sioqquillugu.
- 6) Meeqqap innarluutilip, Inatsisartut inatsisaat manna malillugu tapersiivigineqartup, 18-inik ukioqalernissaa kingusinnerpaamik qaammatinik 12-inik sioqquillugu.

Imm. 2. Iliuusissanut pilersaarut inummut innarluutilimmut tunngasuussaaq aammalu siunertaasup allassimaneranit, annertunerusinnaanani.

Imm. 3. Iliuusissanut pilersaarummi tulliini taaneqartut allassimassapput:

- 1) Siunertaq aamma tapersiinermi anguniagaq.
- 2) Anguniagaq imaluunniit anguniakkat anguneqarnissaannut tapersiineq suna pisariaqarnersoq.
- 3) Tapersiinerup sivisussusissaatut naatsorsuutigineqartoq.
- 4) Tapersiinerup malinnaavigineqarnissaa, matumuuna malitseqartitsineq qaqugukkut pisassanersoq ilanngullugu.
- 5) Inatsisartut inatsisaat manna malillugu aamma inatsisit allat malillugit tapersiinerit allat ataqtigiinnerat.
- 6) Ilaquttat attaveqarfiillu, najugaqariaaseq, ilinniartitaaneq, suliffeqarneq, inuttut ikiorteqarneq,

katsorsartinneq aamma atortorissaarutit ikiuutaasut il.il. pillugit pissutsit immikkut ittu allat.

Imm. 4. Iliusissanut pilersaarut sapinggisamik inuk innarlutilik tassungalu angajoqqaatut akisussaasut imaluunniit angajoqqaatut sinnisoqarpat sinniisui aamma allat isumassuisui oqaloqatigalugit suleqatigalugillu suliarineqassaaq.

Imm. 5. Kapitali 9 malillugu najugaqarfissatut neqeroorummiinnermi iliussasanut pilersaarutip ilai attuumassuteqartut najugaqarfissatut neqeroorummut tunniunneqarnissaat communalbestyrelsip isumagissavaa.

Imm. 6. Iliusissanut pilersaarut inummut innarlutilimmut tassungalu angajoqqaatut sinnisoqarsimaguni sinniisui imaluunniit angajoqqaatut akisussaasunut tunniunneqassaaq, aammalu communalbestyrelse tunniussinermut atatillugu taassuma imarisai pillugit ilisimatitsissaaq.

Imm. 7. Iliusissanut pilersaarutip ilusaa imarisalaq kiiqala sulianik ingerlatitsinermut aamma iliussasanut pilersaarutip naammassineqarnissaanut piffissatigut piumasaqaatit pillugit maleruagassanik erseqqinnerusunik Naalakkersuisut aalajangersaassapput.

Ineriartitsinissamut pilersaarut

§ 27. § 26 malillugu ulloq unnuarlu neqeroorut inummut innarlutilimmut iliussasanut pilersaarut aallaavigalugu, ulloq unnuarlu neqeroorummi najugaqarnerup aallartinneranit kingusinnerpaamik qaammatit 3-t qaangiunneranni tamatumalu kingorna ukiumut minnerpaamik 1-riarluni, ineriartitsinissamut pilersaarummik suliaqartassaaq. Ineriartitsinissamut pilersaarummi, iliussasanut pilersaarummi siunertaasut aamma ulloq unnuarlu neqeroorummiitsinermut anguniakkat aallaavigalugit, perorsaanikkut suliaqarneq, iliussasanut pilersaarummi anguniakkat anguneqarnissaannik qulakkeerinnittussat, nassuarneqassapput.

Imm. 2. Inunnut ulloq unnuarlu neqeroorummiittunut ineriartitsinermut pilersaarutip ilusaa imarisalaq pillugit maleruagassanik erseqqinnerusunik Naalakkersuisut aalajangersaassapput.

Killifinnut nalunaarusiaq

§ 28. Kommunalbestyrelsip § 62, imm. 1 malillugu inummut sammititamik nakkutilliinermini atugassaanik, inuup innarlutillip atugarissaarnera ineriartorneralu, § 26 malillugu iliussissatut pilersaarummut, aamma § 27 malillugu ineriartornissamut pilersaarummut naleqqiullugit, killifinnut nalunaarusiatut ilusilimmik, ulloq unnuarlu neqeroorutip communalbestyrelse ilisimatissavaa. Inuup peqqissusaanut tunngasuni imaluunniit inooqataanerani tunngasuni annertuumik allanngortoqarpat imaluunniit allanngortoqassasoq naatsorsuutigineqarpat, ulloq unnuarlu neqeroorutip piaartumik communalbestyrelse nalunaarfigissavaa.

Imm. 2. Killifinnut nalunaarusiat ulloq unnuarlu neqeroorummiinnerup aallartinnerata kingorna kingusinnerpaamik qaammatit 3-t qaangiunneranni communalbestyrelsintut nassiunneqartassapput. Tamatuma kingorna killifinnut nalunaarusiat ima nassiunneqartassallutik:

- 1) inuit innarlutillit 18-it inorlugit ukiullit pillugit ukioq affakkaarlugu 1-riarluni aamma
- 2) inuit innarlutillit 18-it sinnerlugit ukiullit pillugit ukioq 1-ikkaallugu.

Imm. 3. Imm. 2 malillugu killifinnut nalunaarutinik nassiussisarnermi saniatigut, inuup peqqissusa inooqatigiinniluunniit pissutsit pillugit pingaarutilimmik allanngortoqarpat, ulloq unnuarlu

neqeroorutip kommunalbestyrelse ilisimatissavaa.

Imm. 4. Inunnut innarluutilinnut ulloq unnuarlu neqeroorummiittunut killiffinnut nalunaarusiapt ilusaa imarisaalu pillugit maleruagassanik erseqqinnerusunik Naalakkersuisut aalajangersaassapput.

Nalunaarutiginnittussaatitaaneq aamma utertillugit akiliisussaatitaaneq

§ 29. Inuk innarluutilik, Inatsisartut inatsisaat manna malillugu tapersiivigineqarnissamik qinnuteqartoq, kommunalbestyrelsip piumaffigisinnaavaa:

- 1) paasissutissanik inuup qanoq tapersiivigineqarnissamut pisinnaatitaaneranik kommunalbestyrelsip aalajangiisinnaanissaanut pisariaqartunik pissarsiniarnermi peqataassasoq, aamma
- 2) § 25 malillugu qulaajaanermut ilaatillugu nakorsamit misissortissasoq imaluunniit malinnaavigineqarnissamut katsorsartinnissamullu napparsimavimmut unitsinneqassasoq.

Imm. 2. Inuup innarluutillip tassungalu angajoqqaatut sinniisoqarsimaguni sinniisup imaluunniit angajoqqaatut akisussaasut akuersineratigut, oqartussanit allanit inummut tunngasunik ilisimasaqartunit imaluunniit inummik innarluutilimmik ilisarisimannittunit paasissutissanik, Inatsisartut inatsisaat manna malillugu tapersiivigineqarnissaq pillugu qinnuteqaatip suliarineqarsinnaanissaanut pisariaqartutut isigineqartariaqartunik, kommunalbestyrelse piniarsinnaavoq. Inuk innarluutilik paasissutissiiviusumik akuersisinnanngippat, inuullu innarluutillip soqtigisaasa isumaginissaannut tamanna pingaaruteqartutut isigineqartariaqarpat, taamaakkaluartoq kommunalbestyrelse paasissutissanik piniarsinnaavoq, taamaattoq takuuk imm. 3.

Imm. 3. Inuk innarluutilik kingunissaasinnaasut pillugit ilisimatinneqareerluni akuersissummik tunniussisinnanngippat, aamma taassuma angajoqqaatut sinniisoqarsimaguni sinniisuanit imaluunniit angajoqqaatut akisussaasunit akuersissut pineqarsinnaasimanngippat, tamanna inuup soqtigisaasa nakkutigineqarnissaannut pingaaruteqarpat, kommunalbestyrelsip paasissutissat inummut tunngasut pissarsiariniarsinnaavai.

§ 30. Inuk innarluutilik Inatsisartut inatsisaat manna malillugu tapersiivigineqartoq, tassungalu angajoqqaatut sinniisoqarsimaguni sinniisua imaluunniit angajoqqaatut akisussaasui, inummut innarluutilimmut tunngasuni allannguutit tamaasa, tapersiinerup tamakkiisumik ilaannaasumilluunniit allanngortinneqartariaqarnerannik imaluunniit unitsinneqarnissaannik malitseqarsinnaasut, pillugit kommunalbestyrelsip ilisimatinnissaanik pisussaaffeqarput.

Imm. 2. Inuup imm. 1-im i paasissutissiisussaatitaaneq taaneqartoq naammassinngippagu imaluunniit ilisimareeraluarlugu Inatsisartut inatsisaat manna malillugu tapersiissutinik pisinnaatitaanani tigusaqarsimappat, kommunalbestyrelsip tiguneqarsimasut utertillugit akilerneqassasut imaluunniit utertillugit tunniunneqassasut piumasarisinnaavaa.

Imm. 3. Imm. 2 malillugu tapersiissutip pisussaanani ikorsiissutigineqartup utertillugu akilernissaa imaluunniit utertillugu tunniunnissaa pillugu Naalakkersuisut maleruagassanik aalajangersaasinnaapput, matumani utertillugit akiliinissamut piffissatigut maleruagassat, ernialersuineq il.il.

Suliani aalajangersimasuni paasissutissanik paarlasseqatigiittarneq

§ 31. Najugaqarfissatut neqeroorutip, kommunalbestyrelsip, ilinniarfeqarfiit peqqinnissaqarfiullu

suliani ataasiakkaani suleqatigiinnermut ilaatillugu, paasissutissat suliap suliarineqarneranut pingaaruteqarpata, inummut paasissutissat politiinut ingerlateqqissinnaavaa, matumani paasissutissat inummut tunngasut mianernartut ilanngullugit. Inuk suliami pineqartoq, imaluunniit taassuma angajoqqaatut sinniisua imaluunniit angajoqqaatut akisussaasui akuersiteeqqaarlugu paasissutissanik ingerlatitseqqittoqarsinnaavoq, taamaattoq takuuk imm. 2.

Imm. 2. Imm. 2 malillugu akuersissut tunniunneqarumanngippat, imaluunniit allanik pissuteqartumik akuersisummik piniartoqarsinnaanngippat, communalbestyrelsip paasissutissat inummut tunngasut ingerlateqqissinnaavai, matumani paasissutissat inunnut tunngasut mianerilluinnartariaqartut ilanngullugit, suliami pissutsit, matumani inuup inatsisitigut isumannaatsuunissaata eqqarsaatigineqarnera ilanngullugu, erseqqissumik pisariaqartippassuk. Ingerlatitseqqinnermut piumasaqaataavoq inuup soqutigisaanik nakkutiginninnissaq, taamaaliornerullu isertuussiinnarnissamik peqquteqarnissamut soqutigisat ersarissumik qaangersimassagai, matumani inuup pineqartup, paasissutissat tunngaviata, mianerineqarnissaata eqqarsaatigineqarnissaa ilanngullugu.

Kapitali 5

Nalunaarutiginnittarneq

Nalunaarutiginnittussaatitaaneq nalinginnaasoq

§ 32. Inuup innarluutilip atugarissaarneranut, peqqissusaanut imaluunniit ineriartorneranut navianartorsiotsisumik atugaqartinneqartoq innuttaasup paasiguniuk, innuttaasup kialluunniit communalbestyrelsimit nalunaaruteqarnissani pisussaaffigaa.

Imm. 2. Kommunalbestyrelsip nalunaarutiginninnerup tigunerata kingorna sapaatip akunnerata ataatsip qaangiutinnginnerani, nalunaarutiginninneq tiguneqartoq innuttaasumut allaganngorlugu uppermarsaalluni nassiutissavaa.

Sakkortusisamik nalunaarutiginnittussaatitaaneq

§ 33. Isumaginnitoqarfintti, peqqinnissaqarfintti ilinniartoqarfintnilu sulisut, inuk innarluutilik tapersiivigineqarnissamik pisariaqartitsisoq, inuussutissarsiutigalugu sulinerminnut atatillugu sulisup paasiguniuk imaluunniit ilimagineissaanut pissutissaqaruni, ingerlaannaq communalbestyrelsimit nalunaaruteqarnissamik sukannererusumik pisussaaffeqarput. Nalunaarutiginnittussaatitaaneq taanna, innuttaasunit tamanit qinerneqarlutik suliaqartunut imaluunniit inuiaqatigiinni sullissillutik suliaqartunut, atuuppoq.

Imm. 2. Nalunaarutiginninnerup tigunerata kingorna sapaatip akunnera ataaseq qaangiutsinnagu sulisumut nalunaarutiginnittumut, nalunaarutiginninneq tiguneqartoq allaganngorlugu uppermarsarlugu communalbestyrelsip nassiutissavaa.

Kommunit akunnerminni nalunaarutiginnittussaatitaanerat

§ 34. Kommunalbestyrelsip kommune nuuffigineqartoq allaganngorlugu nalunaarfingissavaa:

1) § 40 malillugu inuk innarluutilik nammineq angerlarsimaffimmini ulluinnarni i sumassorneqartoq,

kommunimut allamut nuuppat, aamma inuk innarluutilik Inatsisartut inatsisaat manna malillugu suli tapersiivigineqarnissamik pisariaqartitsisoq kommunalbestyrelse isumaqarpat,

2) kapitali 9 malillugu inuk innarluutilik najugaqarfissatut neqeroorummumut inissinneqartoq, nammineq piumassutsini malillugu kommunimut allamut nuuppat, aamma

3) inuk innarluutilik nammineq piumasani malillugu kommuninut allamut nuuppat, aamma kapitali 8 malillugu tapersiissutinik pisariaqartunik inuttaa pinngikkuni inuup atugarissaarnera navianartorsiortinnejassasoq nalilerneqarpat.

Imm. 2. Imm. 1 malillugu nalunaarutiginninnermut atatillugu kommunip qimanneqartup suliassami najoqqutassat attuumassuteqartut nassiuressavai, matumani paasissutissat attuumassuteqartut eqikkarneqarnerat, tapersiivigineqarnissamik pisariaqartitsinermik naliliinnermut kommunip qimanneqartup tunngavigisimasai, ilanggullugit.

Imm. 3. Kalaallit Nunaannit nuuttoqartillugu, kommunimut nunani allaniittumut imaluunniit oqartussamut taamaaqataanut allamut tunngatillugu imm. 1-2 taamaaqataanik atuupput.

Nuna tamakkerlugu nalunaarutiginninnermi periaaseq

§ 35. Naalakkersuisut §§ 32-34 malillugit nalunaarutiginninnerit, nalunaarutiginninnernut ataatsimoortumik takussutissiinissamik siunertaqartut pillugit, nuna tamakkerlugu nalunaarutiginnittarnermut ataqtigiimmik aaqqissuussinermik ingerlatsissapput.

Imm. 2. Nuna tamakkerlugu nalunaarutiginnittarnermut ataqtigiimmik aaqqissuussineq pillugu maleduagassanik erseqqinnerusunik Naalakkersuisut aalajangersaasinnaapput, matumani ingerlatsineq, paasissutissanik nalunaarsukkanik isumaginninneq aamma paasissutissanik katersineq ilanggullugit.

Kommunip nalunaarutiginnittoqarnerani iliuuseqartussaatitaanera

§ 36. §§ 32, 33 aamma 34 malillugit communalbestyrelsip nalunaarutiginninneq tiguguniuk, piaarnerpaamik, taamaattoq ulla suliffiusut 5-it iluanni, § 25 malillugu qulaajaanermik aallartitsinissamik tunngavissaqarnersoq pillugu aalajangiissaaq.

Imm. 2. Imm. 1 malillugu qulaajaaneq aallartinneqassasoq communalbestyrelse aalajangiippat, qulaajaaneq piaartumik aammalu kingusinnerpaamik nalunaarutiginninnerup tiguneqarnerata kingorna sapaatit akunneri marluk qaangiutsinnagit, aallartinneqassaaq.

Imm. 3. Inummik innarluutilimmik paarsinerluttoqarneranik, persuttaasoqarsimaneranik imaluunniit kinguaassiutitigut atornerluisoqarsimaneranik communalbestyrelsimit pasitsatsitsisumik nalunaarutiginninnermik tigusisoqartillugu, taava § 25, imm. 1 malillugu qulaajaaneq aammalu § 38, imm. 4 malillugu tapersiisoqassappallu tapersiissuteqarallarneq ingerlaannaq aallartinneqassapput, taamaattoq nalunaarutiginninnerup tiguneqarnerata kingorna kingusinnerpaamik ulla suliffiusut 3-it iluanni.

Imm. 4. Imm. 3 malillugu nalunaarutiginninnerup tiguneqarnerani, communalbestyrelsip nalunaarutiginninneq tiguneqartoq pillugu politit ingerlaannaq nalunaarfingissavaat.

Imm. 5. Kommunalbestyrelsip inuup innarluutilip atugai aarlerinartoqartut nammineq ingerlataminik paasigunigit, imm. 1-4 malillugit communalbestyrelsip iliuuseqartussaatitaanera taamaaqataanik atuuppoq.

Kapitali 6

Siunnersuisarneq ilitsersuisarnerlu

§ 37. § 6, imm. 2 malillugu inunnut innarluutilinnut aammalu inunnut innarluutilinnut ilaquaasunut kommunalbestyrelse siunnersuisarlunilu ilitsersuisassaaq. Apeqqutaatinnagu inuk innarluutilik Inatsisartut inatsisaat manna malillugu tapersiivigineqarnissamik pisinnaatitaanersoq, siunnersuineq ilitsersuinerlu pineqartunut tunniunneqartassaaq. Siunnersuineq ilitsersuinerlu ilaatigut ima ingerlanneqarsinnaavoq:

- 1) peqqissaalluni oqaloqatigiinnerit,
- 2) atortorissaarutit ikuutaasut sorliit qinerneqarnissaannut siunnersorneqarneq, aamma
- 3) atortorissaarutit ikuutaasut atorneqarnissaannut ilitsersorneqarneq.

Imm. 2. Imm. 1 malillugu siunnersuineq ilitsersuinerlu Inatsisartut inatsisaat manna imaluunniit inatsisit allat malillugit tapersiissuteqarnermut atatillugu immikkut ittumik pisinnaavoq.

Imm. 3. Inuup innarluutillip aammalu inummut innarluutilimmut ilaquaasut siunnersorneqartarnerat ilitsersorneqartarnerallu pillugit maleruagassanik erseqqinnerusunik Naalakkersuisut aalajangersaassapput.

Kapitali 7

Aalajangiisinnaatitaaneq

Tapersiisarneq aamma najugaqarfissatut neqeroorut

§ 38. Kapitali 8-imi aalajangersakkat malillugit tapersorsorneqarnissamik imaluunniit kapitali 9-imi aalajangersakkat malillugit najugaqarfissatut neqeroorummi najugaqarnissamik communalbestyrelse inummut innarluutilimmut tapersiinissaq pillugu aalajangiissaq. Inummit innarluutilimmit imaluunniit angajoqqaatut sinniisoqarsimaguni sinniisuanit imaluunniit angajoqqaatut akisussaasuinit imaluunniit communalbestyrelsip nammineerluni qinnuteqarneratigut qinnuteqaammut aalajangiisoqarsinnaavoq.

Imm. 2. Imm. 1 malillugu aalajangiineq inuup ataatsip pisariaqartitsineranik pisinnaasaqarnerinillu aalajangersimasumik ataasiakkaatigullu nalilersuineq tunngavigalugu pissaaq. Inuk ataavartumik piginnaanikillisimanersoq communalbestyrelsip nalilersuinermini erseqqissassavaa.

Imm. 3. § 23 malillugu tapersiinissamik aalajangiisoqartinnagu, inuk innarluutilik taassumalu angajoqqaatut sinniisoqarsimaguni sinniisaa imaluunniit angajoqqaatut akisussaasui, communalbestyrelsip imm. 1 malillugu oqaloqatigereersimassavai.

Imm. 4. Nukinginnartumik tapersiivigineqarnissamik pisariaqartitsisoqartillugu, naak § 23 malillugu oqaloqatigiitqarsimannngikkaluartoq aamma § 25 malillugu qulaajaanermik suliaqartoqarsimannngikkaluartoq aammalu § 26 malillugu iliuusissanut pilersaarummik suliaqartoqarsimannngikkaluartoq, imaluunniit taakkua naammassineqarsimannngikkaluartut, communalbestyrelse immikkut ittumik tapersiinissaq pillugu aalajangiissaq, aammalu immikkut ittumik tapersiineq aallartissallugu. Tamatuma kingorna sapinngisamik piaernerpaamik § 23 malillugu oqaloqatigiinneq aamma § 25 malillugu qulaajaaneq kiisalu § 26 malillugu iliuusissanut pilersaarut communalbestyrelsip suliarissavaa naammassissallugulu, aammalu taanna tunngavigalugu pisariaqarpat

nutaamik aalajangiissalluni.

Ingerlaavartumik malitseqartitsineq

§ 39. Kommunalbestyrelsimit tapersiinissaq imaluunniit najugaqarfissatut neqeroorummi najugaqarnissaq pillugu aalajangiisoqareerpat, tapersiinermi siunertaasoq naammassineqarsinnaanersoq ingerlaavartumik malinnaaffigissavaa. Malinnaaneq sapinngisamik inuk innarluutilik suleqatigalugu pissaaq.

Imm. 2. Ingerlaavartumik malittarinneq pillugu maleruagassanik erseqinnerusunik Naalakkersuisut aalajangersaasinnaapput.

Kapitali 8

Tapersiinissamut periarfissat

Nammineq angerlarsimaffimi isumassuinerup isumagineessaanut tapersiisarneq

§ 40. Inummut, inuup innarluutillip nammineq angerlarsimaffimini najugaqartup ulluinnarni isumassorneqarneranik isumaginnittumut, inuttullu tapersorsorneqarnissamik isumassorneqarnissamillu aningaasaliiffigineqarsimasumut, kommunalbestyrelse aningaasatigut tapiissuteqartassaaq.

Imm. 2. Imm. 1 malillugu tapersiineq, kommunalbestyrelsip inummik isumassuisumik atorfinitstsineratigut pissaaq. Inuup innarluutillip pisariaqartitsinera tunngavigalugu sapaatip akunneranut nalunaaquttap akunnerisa atorfinitstsiviusussat amerlassusissai, kommunalbestyrelsip aalajangersassavai.

Imm. 3. Imm. 2 malillugu atorfinitstsinermi, siusinnerusukkut akileraarut akilertinnagu isertitarisimasat tunngavigalugit inuk akissarsiaqartinneqassaaq. Akissarsiat piffissaq tamakkerlugu atorfinitsinneqarnermut naleqqiullugu, nalunaaquttap akunnerinut innersuussivigineqartunut annikillisinneqassapput. Ukiunut siuliinut isertitarisimasanut uppernarsaatissaqanngippat, akissarsiaritinneqartut aallaaviatigut SIK-mut isumaqatigiissut malillugu ilinniarsimanngitsup akissarsiaanut minnerpaamut qaqugukkulluunniit atuuttumut aalajangerneqassapput.

Imm. 4. Inunnik inoqutigiinni ilaannngitsunik atorfinitstsisoqartussaatillugu pineqaatissinneqarsimannginnermut uppernarsaat aammalu naleqqutsillugu meeqqanik pinerliisimannginnermut uppernarsaat piniarneqassapput.

Imm. 5. Aningaasarsianut atugassarititaasut naatsorsorneqartarnerannut naleqqussarneqartarnerannullu maleruagassanik erseqinnerusunik Naalakkersuisut aalajangersaassapput, matumani aningaasarsiat qaffasinnerpaaffissaat atorfinitstaanermilu atugassarititaasut ilangullugit.

Oqilisaassineq

§ 41. Ulluinnarni isumassuineq angajoqqaanit imaluunniit ilaqtutanit allanit nammineq angerlarsimaffimi imaluunniit angajoqqaarsianit isumagineqarpal, kommunalbestyrelse inummut

innarluutilimmut oqilisaassinissamik neqerooruteqassaaq.

Imm. 2. Imm. 1 malillugu oqilisaassineq aatsaat neqeroorutigineqarsinnaavoq:

- 1) isumassuinermi suliassaq, angajoqqaanut imaluunniit ilaquaasunut allanut isumassuinermik isumaginnittunut annertuumik suliaqarnerunermik malitseqartarpal, aamma
- 2) angajoqqaat, ilaquaasut allat ilaqtariilluunniit paarsisartut isumassuinermik isumaginniinnarsinnaanissaannut oqilisaassinissaq pisariaqarpal.

Imm. 3. Imm. 1 aamma 2 malillugit oqilisaassineq § 48 naapertorlugit ulloq unnuarlu neqeroorummiitsinikkut pisinnaavoq. Meeqqanut aamma meeqqat tapersorsorneqarnissaannut Inatsisartut inatsisaanni § 37 malillugu kommunip aaqqissugaanik ilaqtariinni paarsisartuni oqilisaassineq pisinnaavoq.

Imm. 4. Inuup innarluutilillip ulluinnarni isumassorneqarnera angajoqqaanit imaluunniit ilaqtutanit allanit nammineq angerlarsimaffimmi imaluunniit ilaqtariinnit paarsisartunit isumagineqarpal, oqilisaassineq pillugu maleruagassanik erseqqinnerusunik Naalakkersuisut aalajangersaasinnaapput.

Tapersersortitut ikiorti

§ 42. Inummut innarluutilimmut, pingaarutilimmik timikkut, tarnikkut, silassorissutsikkut imaluunniit malugisaqarsinnaanikkut piginnaanikillisimasumut, nammineq angerlarsimaffimmini nammineersinnaanissamut, najugaqaqtigiffimmi imaluunniit najugaqarfimmi illersugaasumi isumaginninnikkut perorsaasumit tapersorsorneqarnissamik pisariaqartitsisumut, tapersersortitut ikiortimik communalbestyrelse neqerooruteqassaaq.

Imm. 2. Inuk innarluutilik, taassuma tarnikkut, timikkut inooqatigiinnikkullu ineriarneranut kiisalu ulluinnarni suliassaminik suliaqarnissaanut tapersersortitut ikiortip ikiortassavaa, matumani angerlarsimaffiup avataani ikiuneq ilanngullugu.

Imm. 3. Imm. 1 malillugu aalajangiinermut ilaqtillugu sapaatip akunneranut nalunaaquttap akunnerisa tapersersuinermet atorneqartussat amerlassusissaat communalbestyrelsip aalajangersassavai.

Imm. 4. Tapersersortitut ikiorti communalbestyrelsimit atorfinitinneqartassaaq.

Imm. 5. Tapersersortitut ikiortit pillugit maleruagassanik erseqqinnerusunik Naalakkersuisut aalajangersaasinnaapput, matumani ilanngullugit:

- 1) piukkunnassutsinut piginnaasaqarfinnullu piumasaqaatit, kiisalu
- 2) pineqaatissinneqarsimannginnermet uppernarsaammik aamma meeqqanik pinerliisimannginnermet uppernarsaammik piniartarneq.

Nuunnissamut ikorsiissutit

§ 43. Meeqqamut innarluutilimmut angajoqqaatut akisussaasuuusunut, kommunip iluani najukkap nuunneqarnerani aningaasartuutinik matussutissanik, communalbestyrelse aningaasanik tapersiinissamik neqerooruteqarsinnaavoq, pisuni makkunani:

- 1) angajoqqaatut akisussaasut maannakkut najugaanni meeqqap tapersorsorneqarnissamut isumassorneqarnissamullu pisariaqartitai naammassineqarsinnaanngippata imaluunniit ajornakusooruteqarluni aatsaat naammassineqarsinnaappata,
- 2) Inatsisartut inatsisaat manna malillugu tapersorsorneqarnissamut meeqqap pisariaqartitai,

siunissami najugariligassatut kissaatigineqartumi pitsaanerusumik naammassineqarsinnaappata, aamma
3) angajoqqaatut akisussaasut nammineerlutik nuunnissaq kissaatigalugu erseqqissumik
oqaatigippassuk.

*Imm. 2. Meeqqamut innarluutilimmut angajoqqaatut akisussaasut nuunnerminni
aninggaasartuutaannut matussutissanik communalbestyrelse aammattaaq aninggaasanik
tapiissuteqarsinnaavoq, tassani ulloq unnuarlu neqeroorummi inissiinissaq aalajangerneqarpat,
angajoqqaatullu akisussaasut illoqarfimmun ulloq unnuarlu neqeroorutip inissisimaffigisaani
najugaqarnissaat meeqqamut pitsaanerpaaajussasoq nalilerneqarpat. Piumasaqaatit imm. 1, nr.
1-3-miittut eqqortinneqartussaapput.*

*Inunnut Innarluutilinnut Sullissivimmi Nunamut Tamarmut Atuuttumi piginnaanngorsarneqarneq
piginnaanngorsaqeqinneqarnerlu*

§ 44. Inuup piginnaaneqarnerminik attassiinnarnissaanut tamanna annertuumik pingaaruteqartoq
isumaqartoqarpat, Inunnut Innarluutilinnut Sullissivimmi Nunamut Tamarmut Atuuttumi inuup
innarluutilip piginnaanngorsarneqarnissaanik piginnaanngorsaqeqinneqarnissaanillu
neqerooruteqarnissaq pillugu communalbestyrelse aalajangiisinhaavoq, matuman iiffissami killilimmi
najugaqarnissaq ilanngullugu.

§ 45. Kommunalbestyelsit tapersersuinermi iliuusissat suut tunniussinnaaneraat imaluunniit
tunniutissaneraat pillugit maleruagassanik erseqqinnerusunik Naalakkersuisut aalajangersaassapput,
matuman ilanngullugit:

- 1) inuttut ikiorteqarneq isummersorneqarnerlu,
- 2) Sungiusarneqarneq,
- 3) atortorissaarutit ikuutaasut,
- 4) ingiaqateqartitsineq,
- 5) inigisap aaqqissugaanera,
- 6) qamutit motoorillit,
- 7) ataatsimoortunik angallassinermik aaqqissuussineq,
- 8) aninggaasartuutaanerusut,
- 9) Suliffissaqartitsinermut, sammisassaqartitsinermut katerisimaaqateqarnissamut neqeroorutit aamma
- 10) pikkorissarneqarnerit ilinniartinneqarnerillu, matuman qanigisaasunut ilanngullugu.

Kapitali 9

Najugaqarfissatut neqeroorutit

Najugaqaqatigiiffiit

§ 46. Inummut innarluutilimmut nunaqqataasunut qanittumiittumi najugaqaqatigiiffimmi
najugaqarnissamik communalbestyrelse neqerooruteqassaaq, ima pisqartillugu:

- 1) inuk 18-it sinnerlugit ukioqarpat,
- 2) inuup pingaarutilimmik timikkut, tarnikkut, silassorissutsikkut imaluunniit

malugisaqarsinnaanikkut piginnaanikillisimanini pissutigalugu ulluinnarni tapersorsorneqarnissaq pisariaqartippagu,

- 3) inuk pingaarutilimmik timikkut tarnikkut, silassorissutsikkut imaluunniit malugisaqarsinnaanikkut piginnaanikillisimanini pissutigalugu nammineq angerlarsimaffimmini najugaqarsinnaanngippat,
- 4) inuk nammineersinnaappat, perorsaanikkut suliassatigullu ikiorneqarnissaq taamaallaat ulluunerani nalunaaquttap akunnerini pisariaqarluni, aamma
- 5) inuup pisariaqartitai najugaqaqtigiffimmi najugaqarnerani naammassineqarsinnaappata.

Imm. 2. Imm. 1 malillugu inuup tapersorsorneqarnissamik pisariaqartitsinera nunaqqataasunut qanittumi najugaqaqtigiffimmiinnermi naammassineqarsinnaanngippat, inuk innarluutilik najugaqaqtigiffimmi, kommunimi allami inisisimasumi najugaqarnissamik communalbestyrelsip neqeroorfigisinnavaa. Imm. 1, nr. 1-5-imi piumasaqaatit naammassineqarsimassapput.

Imm. 3. Imm. 2 malillugu najugaqaqtigiffimmi kommunimi allami inisisimasumi inuup inissamik neqeroorfigineqarnissaanut piumasaqaataavoq:

- 1) inuk imaluunniit taassuma angajoqqaatut sinniisua akuersisimassasoq, aamma
- 2) inissap neqeroorutigineqarnissaa sioqqullugu, inuup kommunip angerlarsimaffiani communalbestyrelsip aamma kommunimi najugaqaqtigiffiup aalajangersimasup taassuma inisisimaffisaani communalbestyrelsip akornanni isumaqtigiissuteqartoqarsimassasoq.

Najugaqarfik illersugaasoq

§ 47. Inummut innarluutilimmut nunaqqataasunut qanittumiittumi najugaqarfimmi illersugaasumi najugaqarnissamik communalbestyrelse neqerooruteqassaaq, ima pisoqartillugu:

- 1) inuk 18-it sinnerlugit ukioqarpal,
- 2) inuk pingaarutilimmik timikkut tarnikkut, silassorissutsikkut imaluunniit malugisaqarsinnaanikkut piginnaanikillisimanini pissutigalugu ulluinnarni tapersorsorneqarnissaq pisariaqartippagu,
- 3) inuk pingaarutilimmik timikkut tarnikkut, silassorissutsikkut imaluunniit malugisaqarsinnaanikkut piginnaanikillisimanini pissutigalugu nammineq angerlarsimaffimmini najugaqarsinnaanngippat,
- 4) inuk najugaqaqtigiffimmi neqeroorutigineqarsinnaasut saniatigut, tapersorsorneqarnissamik pisariaqartitsippat, ilanggullugu ulloq unnuarlu tamaat tapersorsorneqarnissamik pisariaqartitsineq, aamma
- 5) inuup pisariaqartitai najugaqarfimmi illersugaasumi najugaqarnermi naammassineqarsinnaappata.

Imm. 2. Inuup innarluutillip kommunimi allami najugaqarfimmi illersugaasumi najugaqarnissaa communalbestyrelsip neqeroorutigisinnavaa, tamanna imm. 1 malillugu nunaqqataasunut qanittumi inuup innarluutillip najugaqarfimmik illersugaasumik pisariaqartitsineranut tapersiinissaq naammassineqarsinnaanngippat. Imm. 1-imi nr. 1-5-imut piumasaqaatit suli naammassineqarsimassapput.

Imm. 3. Imm. 2 malillugu inuup kommunimi allami najugaqarfimmi illersugaasumi inissinneqarnissaanut neqeroorfigineqarnissaanut piumasaqaataapput:

- 1) inuup imaluunniit taassuma angajoqqaatut sinniisaata akuersisimanissa, aamma
- 2) inuup kommunimi angerlarsimaffiani communalbestyrelsip, kommunimilu najugaqarfip illersugaasup inisisimaffisaani communalbestyrelsip, inissap neqeroorutigineqannginnerani isumaqtigissimanissaat.

Inunnut innarluutilinnut ulloq unnuarlu neqeroorummi inissiineq

§ 48. Inummut innarluutilimmut, ulloq unnuarlu neqeroorummiinnissamut kommunalbestyrelse neqerooruteqassaaq inuk pingaarutilimmik timikkut tarnikkulluunniit piginnaanikillisimanini pissutigalugu ulluinnarni annertuumik imaluunniit immikkullarissumik tapersorsorneqarnissamik pisariaqartitsippat imaluunniit paaqqutarineqarnissamik, isumassorneqarnissamik katsorsarneqarnissamilluunniit pisariaqartitsippat, pisariaqartinneqartullu taakku allatigut naammassineqarsinnaanngippata.

Imm. 2. Imm. 1 malillugu inuk ulloq unnuarlu neqeroorummiittoq siusinaartumik pensionisianik-imaluunniit utoqqalinersianik tigusaqartanngikkuni, aningaasanik kaasarfimmiusanik atisassarsiutissanillu pisinnaatitaavoq.

Imm. 3. Aningaasat kaasarfimmiusat atisassarsiutissallu pillugit maleruagassanik ersarinnerusunik Naalakkersuisut aalajangersaassapput.

Kalaallit Nunaata avataani najugaqarfissatut neqeroorummi inissiineq

§ 49. Inuup innarluutilip § 46 malillugu najugaqaqtigiffinni inissinneqarnissaanik, § 47 malillugu najugaqarfimmi illersugaasumi inissinneqarnissaanik, imaluunniit § 48 malillugu Kalaallit Nunaanni najugaqarfissatut neqeroorummi inissinneqarnissaanik kommunalbestyrelse qulakteerinnissaaq, taamaattoq takuuk imm. 2.

Imm. 2. Inuup pisariaqartitai Kalaallit Nunaanni naammassineqarsinnaanngippata, Kalaallit Nunaannilu naleqquttumik tapersiinissaq periarfissaqanngilluinmarpat, immikkut ittumik pisoqartillugu Naalakkersuisut akuersiteeqhaarlugit Kalaallit Nunaata avataani najugaqarfissatut neqeroorummiinnissamik neqerooruteqartoqassaaq.

Imm. 3. Kalaallit Nunaata avataani najugaqarfissatut neqeroorummiittarneq pillugu maleruagassanik erseqqinnerusunik Naalakkersuisut aalajangersaasinnaapput.

§ 50. Inuk innarluutiminut piginnaanngorsarnissamik pisariaqartitsippat imaluunniit piginnaanngorsaqqinnermik suliniuteqarfigineqarnissamik pisariaqartitsippat, aammalu pisariaqartitsineq Kalaallit Nunaanni naammassineqarsinnaanngippat, inuk innarluutilik ulloq unnuarlu neqeroorummi inissikkallarnissaanik, efterskolemiinnissamik imaluunniit Kalaallit Nunaata avataani assingusumi neqeroorummi inissikkallarnissaanik, kommunalbestyrelse neqerooruteqarsinnaavoq.

Imm. 2. Kalaallit Nunaata avataani inissinneqarallarnissaq pillugu maleruagassanik erseqqinnerusunik Naalakkersuisut aalajangersaasinnaapput, matumanit inissinneqarallarnerup sivisussusissaa ilanngullugu.

Kapitali 10

Inunnik innarluutilinnik ulloq unnuarlu neqeroorummi matoqqasumi inissiisarneq

§ 51. Kalaallit Nunaanni imaluunniit Danmarkimi ulloq unnuarlu neqeroorummi isumannaallisakkami, inunnik innarluutilinnik inissisoqarsinnaavoq, ima pisoqarnerani:

- 1) Inuup innarluutilip angerlarsimaffimmi tulluartumi imaluunniit paaqqinniffimmi tigusarininnerup atuutiinnarnissaa pillugu Kalaallit Nunaanni eqqartuussisarnermik inatsimmi § 358, aamma § 361, imm. 2, nr. 3 naapertorlugit Eqqartuussivik aalajangiisimappat.
- 2) Kalaallit Nunaanni eqqartuussisarnermik inatsimmi § 359, aamma § 361, imm. 2, nr. 3 naapertorlugit inuup innarluutilip angerlarsimaffimmi tulluartumi imaluunniit paaqqinniffimmi tigummigallarneqarnissaa pillugu eqqartuussivik aalajangiisimappat.
- 3) Kalaallit Nunaannut Pinerluttulerinermut inatsimmi kapitali 32 imaluunniit 33 malillugit pineqaatissiinissaq pillugu eqqartuussivik aalajangiisimappat.

Imm. 2. Kommunimi inuup innarluutilip tigusarineqarnermini aamma tigummigallarneqarnerani najugaqarfisaani communalbestyrelse, pisuni imm. 1, nr. 1-imi pineqartunut ilaasuni, sapinngisamik piaarnerpaamik, politiinit isumannaallisaanikkut isumannaatsutut nalilerneqartumik, angerlarsimaffiup avataani inissiiffissamik communalbestyrelse pissarsiussaaq.

Imm. 3. Inuup innarluutilip tigummineqarallarnermi nalaani kommunimi najugaqarfisaani, pisuni imm. 1, nr. 2-imi ilaasuni, piaarnerpaamik, taamaattoq kingusinnerpaamik nalunaaquattap akunnerisa 72-it iluanni, politiinit isumannaallisaanikkut isumannaatsutut nalilerneqartumik, angerlarsimaffiup avataani inissiiffissamik communalbestyrelse pissarsiussaaq.

§ 52. Kalaallit Nunaanni pinerluttulerinermi inatsimmi § 234 malillugu Kalaallit Nunaanni Pinerluttunik Isumaginnittut aqutsisui angerlarsimaffimmi imaluunniit paaqqinniffimmi naleqquttumi inissiinissaq pillugu aalajangiippata, inuit innarluutillit ulloq unnuarlu neqeroorummi matoqgasumi inissinneqarsinnaapput.

Kapitali 11

Misileraanerit

§ 53. Kommunalbestyrelsit qinnuteqarnerisigut, allaanerusunik tapersiinissaq aamma tapersiinerit allatut ittut tunniunneqarsinnaanerat, kiisalu allatut ittunik najugaqarfissatut neqeroorutinik pilersitsinissaq pillugit Naalakkersuisut akuersissuteqarsinnaapput.

Imm. 2. Akuersissuteqarnermi misileraanermik aaqqissuussap nakkutigineqarnissaanut aalajangiisinnaatitaameq pillugu aalajangersakkanik Naalakkersuisut aalajangersaasinnaapput.

Kapitali 12

Tikeraarluni angalasarnerit

§ 54. Inuk innarluutilik 18-it sinnerlugit ukiulik nunagisaminut ukiumut ataasiarluni akiliunneqarluni tikeraarluni angalasinnaatitaavoq, piumasaqaatit makkua naammassineqarsimappata, taamaattoq takuuk imm. 3 aamma 4:

- 1) § 13 malillugu inuk najugaqaqtigiffimmiippat, § 14 malillugu najugaqarfimmi illersugaasumiippat, imaluunniit § 18 malillugu ulloq unnuarlu neqeroorummiippat, aamma
- 2) najugaqarfissatut neqeroorut inuup nunagisaata avataani inissisimappat.

Imm. 2. Inuk innarluutilik nammineerluni angalasinnaanngippat, inuullu innarluutilip kissaatigippagu, tikeraarluni angalaneq qanigisaasumut ataatsimut arlalinnulluunniit

tunniunneqarsinnaavoq, taamaalilluni qanigisaasup qanigisaasulluunniit inuk najugaqarfissatut neqeroorummi najugaqarfigisaani tikeraarsinnaaniassammassuk.

Imm. 3. Imm. 1-2 malillugit tikeraarluni angalanerit pillugit aalajangersakkat § 49, imm. 2 malillugu inunnut innarluutilinnut Kalaallit Nunaata avataani ulloq unnuarlu neqeroorummiittunut taamaaqataanik atuupput. Taamaattoq imm. 1, oqaaseqatigiit siilliit apeqquatainnagit, inuk innarluutilik Kalaallit Nunaata avataani ulloq unnuarlu neqeroorummiikkallartoq, nunagisaminut ukiumut 2-riarluni tikeraarluni angalanissamut akiliunneqarnissamik pisinnaatitaavoq.

Imm. 4. Imm. 1 malillugu inuk innarluutilik 18-it sinnerlugit ukiulik, 18-inik ukioqalereernermermi kingorna ukiut 10-it sinnerlugit ulloq unnuarlu neqeroorummiissimasoq, taamaallaat ukiut 2-kkuutaarlugit nunagisaminut tikeraarluni angalasinnaatitaavoq.

Imm. 5. Imm. 1, 3 aamma 4 malillugit nunagisaminut tikeraarluni angalanerup ajornakusoornera, ikiortissanik periarfissaqannginnera imaluunniit nunagisami atortorissaaruteqannginnera pissutaallutik, ajornarpat, illoqarfimmut nunagisap qanitaaniittumut tunniunneqarsinnaavoq. Tamatuma peqatigisaanik illoqarfimmut tassunga qanigisamut 1-imut qanigisanulluunniit arlalinnut angalanermut najugaqarnermullu tunniussisoqarsinnaavoq.

§ 55. § 18 malillugu meeraq innarluutilik, meeqqap nunagisaaniunngitsoq ulloq unnuarlu neqeroorummi inissinneqarsimasoq, nunagisaminut ukiumut 2-riarluni akiliunneqarluni tikeraarluni angalasinnaatitaavoq. Meeraq, ukiumi meeqqap 18-nik ukioqalerfiani, marloriarluni tikeraarluni angalanernut akiliunneqarnissamik pisinnaatitaaffeqarpoq.

Imm. 2. Meeqqamut pitsaanerpaaajuppat, tikeraarluni angalaarneq angajoqqaatut akisussaasunut imaluunniit qanigisamut 1-mut arlalinnulluunniit tunniunneqarsinnaavoq, taamaalilluni taakku meeraq ulloq unnuarlu neqeroorummi tikeraarniassammassuk.

Imm. 3. Meeqqamut innarluutilimmuit tikeraarluni angalanermik 1-mik suli tunniussisoqarsinnaavoq, meeqqap angajoqqaatullu akisussaasut akornanni attaveqarnissaq pisariaqartinneqarpat, aamma meeqqap pisariaqartitaanut naleqquppat.

Imm. 4. § 49, imm. 2 malillugu meeqqamut innarluutilimmuit Kalaallit Nunaata avataanut inissinneqarsimasumut imm. 1-3-mi tikeraarluni angalasarneq pillugu aalajangersakkat atuupputtaaq.

Imm. 5. Imm. 1, 3 aamma 4 malillugit nunagisamut tikeraarluni angalanerup ajornakusoornera, ikiortissanik periarfissaqannginnera imaluunniit nunagisami atortorissaaruteqannginnera pissutaallutik, ajornarpat, illoqarfimmut nunagisap qanitaaniittumut tunniunneqarsinnaavoq. Tamatuma peqatigisaanik illoqarfimmut angajoqqaatut akisussaasunut imaluunniit qanigisanut allanut angalanermut najugaqarnermullu tunniussisoqarsinnaavoq.

§ 56. Angalanermut kiisalu ullut unnuallu 9-t tikillugit unnuiffissanut aningaasartuutit inuup innarluutilip kommunimi angerlarsimaffigisaani communalbestyrelsip akilissavai. Tikeraarluni angalanerni angalanerup aallartinnera naaneralu ulluni unnuanilu 9-ni pineqartuni ilaatinneqassangillat. Tamatuma saniatigut communalbestyrelsip makku aningaasartuutigissavai:

1) § 54, imm. 1, 3 aamma 5 kiisalu § 55, imm. 1, 3 aamma 5 malillugit angalanermut atatillugu tapersiinermut pisariaqartumut, matumani ingiaqateqarneq aamma immikkut ittumik tapersiinernik iliuuseqarnerit ilanngullugit,

2) angalanerup nalaani ingiaqataasunut, kiisalu ingiaqataasut angerlarsimaffiisa aamma

najugaqarfissatut neqeroorutip akornanni angalaneq, aamma

3) § 54, imm. 2 aamma 5, aamma § 55, imm. 2 aamma 5 malillugit angajoqqaatut akisussaassusillit imaluunniit qanigisat allat tikeraarlutik angalanerannut najugaqarnerannullu.

Imm. 2. Inuk innarluutilik Kalaallit Nunaanni najugaqarsimappat, § 54-im i maluunniit § 55-im pineqartunut ilaangippat, taannalu nammineq akilikkaminik sulinngiffeqarpat, ingiaqateqarnanilu sulinngiffeqarsinnaanngippat, communalbestyrelsip ulla 9-t tikillugit ingiaqateqarnissaq ikorsiissutigisinnaavaa. Tikeraarluni angalanerni angalanerup aallartinnera naaneralu ulluni unnuanilu 9-ni pineqartuni ilaatinneqassanngillat.

Imm. 3. Imm. 2 malillugu ingiaqataasup angalaneranut- najugaqarneranullu aningaasartuutasut tamakkiisumik ilaannaasumilluunniit akilerneqarnissaannut ikorsiissuteqartoqarsinnaavoq.

Ingiaqataasoq qanigisaasimanngippat, taamatuttaaq makkununnga akiliinissamut ikorsiisoqarsinnaavoq:

- 1) ullormusianut,
- 2) ingiaqataasup akissarsiassaanut, aamma
- 3) sulinermut atatillugu aningaasarsianut annaasanut taarsiissutissanut.

Imm. 4. Inummut innarluutilimmut 18-it sinnerlugit ukiulimmut taamaallaat ukiut 3-kkaarlugit imm. 2 malillugu ikorsiisoqarsinnaavoq.

Imm. 5. Meeqqamut innarluutilimmut ukiut 2-kkaarlugit ikorsiisoqarsinnaavoq.

Imm. 6. Imm. 1-3 aamma imm. 2 malillugit naalagaaffeqatigiit avataannut tikeraarluni- aamma sulinngiffeqarnermut atatillugu angalanernut aningaasartuutit communalbestyrelsip akilersinnaanngilai.

Imm. 7. Tikeraarluni angalanerit aaqqissuunneqartarnerat aamma aningaasartuutit akilerneqartarnerat pillugit maleruagassanik Naalakkersuisut aalajangersaasinnaapput.

§ 57. Inuk innarluutilik, § 54 imaluunniit § 55 naapertorlugu tikeraarluni angalasinnaatitaavoq, aammattaaq qanigisaasup perululluni napparsimanageri, toqunerani imaluunniit ilisaaneranut atatillugu Kalaallit Nunaannut imaluunniit Kalaallit Nunaata iluani angalanermut 1-mut akiliunneqarnissaminut pisinnaatitaavoq.

Imm. 2. Angalanermut kiisalu ulla unnuallu 9-t tikillugit unnuiffisanut aningaasartuutit communalbestyrelsip akilissavai. Tikeraarluni angalanerni angalanerup aallartinnera naaneralu ulluni unnuanilu 9-ni pineqartuni ilaatinneqassanngillat. Tamatuma saniatigut communalbestyrelsip makku aningaasartuutigissavai:

- 1) tapersiinermut pisariaqartumut, matumani ingiaqateqarneq aamma imm. 1 malillugu angalanermut atatillugu ikorsiinerit ilanngullugit, aamma
- 2) angalanerup nalaani ingiaqataasunut, kiisalu ingiaqataasut angerlarsimaffisa aamma najugaqarfissatut neqeroorutip akornanni angalaneq.

Imm. 3. Angalanerit aaqqissuunneqarneri taakkununngalu atatillugu aningaasartuutit akilerneqarneri pillugit maleruagassanik Naalakkersuisut aalajangersaasinnaapput

§ 58. Inuk innarluutilik, § 54 imaluunniit § 55 malillugu tikeraarluni angalasinnaatitaasoq, annertunerusumik nalliuttorsiorpat imaluunniit perululluni napparsimappat, ilaqtutti qanigisamut 1-imut arlalinnulluunniit Kalaallit Nunaannut imaluunniit Kalaallit Nunaata iluani angalanissamut communalbestyrelse tapersiisinjaavoq.

Imm. 2. Tikeraarluni angalanerit aaqqissuunneqartarnerat aamma aningaasartuutit akilerneqartarnerat pillugit maleruagassanik Naalakkersuisut aalajangersaasinnaapput.

Kapitali 13

Illerfimmik angallassineq

§ 59. Inuk innarluutilik najugaqarfissatut neqeroorummi, nunagisap avataaniittumi najugaqartoq najugaqarnermini toqukkut qimaguppat, illerfiup assartornissaanut aningaasartuutit tamakkiisumik ilaannakortumilluunniit matussutissaanut kommunalbestyrelse tunniussisinnaavoq.

Kapitali 14

Allanngortitsisarneq atorunnaarsitsisarnerlu

Tapersiisarneq

§ 60. Kapitali 8-mi aalajangersakkat malillugit, inummut innarluutilimmut tapersiineq allanngortinnejassanersoq atorunnaarsinnejassanersorluunniit pillugit kommunalbestyrelse aalajangiisinnavaq, tapersiinerup inuup pisariaqartitaanut naammassinnifiusinnaajunnaarnera kommunalbestyrelsip ilisimalerpagu.

Imm. 2. § 23 malillugu tapersiinerup allanngortinnejarnissaa imaluunniit atorunnaarsinnejarnissaa pillugit aalajangiisoqannginnerani, inuk innarluutilik tassungalu angajoqqaatut sinnisoqarsimaguni sinniisup imaluunniit angajoqqaatut akisussaasut kommunalbestyrelsip oqaloqatigisimassavai.

Imm. 3. § 26 malillugu tapersiinerup unitsinnejarnissaanik aalajangiisoqannginnerani kommunalbestyrelse iliuusissanut pilersaarummik suliaqarsimassaaq.

§ 61. Kapitali 9 malillugu inuup pisariaqartitai najugaqarfissatut neqeroorutip naammassisinnaajunnaarpagit, inummut innarluutilimmut najugaqarfissatut neqeroorummiinnerup unitsinnejarnissaa imaluunniit najugaqarfissatut neqeroorummut allamut nuunnissaa pillugu kommunalbestyrelse aalajangiissaq.

Imm. 2. Najugaqarfissatut neqeroorummiinnerup unitsinnejarnissaa imaluunniit najugaqarfissatut neqeroorummut allamut nuussineq pisinnagu communalbestyrelsip qulakkiissavai:

1) inuup najugaqarfissatut neqeroorummit angerlartinnejareererata imaluunniit najugaqarfissatut neqeroorummut allamut nuunneqarnerata kingorna pisariaqartitaasa naammassineqarnissaannut pisariaqartumik inuup tapersorsorneqarnissaa,

2) inuup najugaqarfissatut neqeroorummit angerlartinnejareererata imaluunniit najugaqarfissatut neqeroorummut allamut nuutinneqarnerata kingorna tapersiinermut § 26 malillugu iliuusissanut pilersaarummik suliaqartoqarnissaa,

3) § 23 malillugu, inuup immaqalu tassunga angajoqqaatut sinnisuata imaluunniit angajoqqaatut akisussaasut oqaloqatigineqarsimanissaat, aamma

4) najugaqarfissatut neqeroorummit allaganngorlugu oqaaseqaammik piniartoqarsimanissa, taassuma inuup innarluutillip inissinneqarunnaassaguni inissinneqarunnaarnissaanut kiisalu nalinginnaasumik atugarissaarnerata tapersorsorneqarnissamillu pisariaqartitsiinnarnerata killiffii pillugit

inissiivigineqarsimasup isummersornera imarissavaa.

Imm. 3. Kapitali 9-mi aalajangersakkat malillugit meeqqap innarluutillip najugaqarfissatut neqeroorummiinnerata unitsinnejarnissa pillugu communalbestyrelsip aalajangiinnginnerani, imm. 2-imi piumasaqaatit saniatigut, communalbestyrelsip qulakkiissavaa:

- 1) meeqqap ulloq unnuarlu neqeroorummiinnerata unitsinnejarnissa siuninnguanilu meeqqamut, angajoqqaatut akisussaasuinut meerarlu attaveqarfeqarpat attaveqarfiinut tapersiissuteqartoqassappat tapiissutaasinnaasunik piareersaaneq,
- 2) ulloq unnuarlu neqeroorummiikkunnaarnermut atatillugu meeraq, angajoqqaatut akisussaasut imaluunniit qanigisaasut allat piareersarluarsimanissaat.

Imm. 4. Imm. 2, nr. 4 malillugu najugaqarfissatut neqeroorut oqaaseqaateqarsimappat, tassanilu innersuussutigineqarpat inuk najugaqarfissatut neqeroorummiiginnassasoq, taava najugaqarfissatut neqeroorummiikkunnaarnissap aalajangiiffigineqannginnerani communalbestyrelsip § 11, imm. 1, nr. 7 malillugu Inunnut innarluutilinnut Sullissivik Nunamut Tamarmut Atuuttoq oqaaseqaateqaqqullugu piumaffigissavaa. Najugaqarfissatut neqeroorummiikkunnaarnissaq pillugu aalajangiisoqartinnagu Inunnut innarluutilinnut Sullissiviup Nunamut Tamarmut Atuuttup oqaaseqaataata tiginissaa communalbestyrelsip utaqqissavaa.

Imm. 5. Imm. 1 malillugu najugaqarfissatut neqeroorummiinnerup unitsinnejarnissa imaluunniit najugaqarfissatut neqeroorummut allammut nuutitsinissaq, inissinneqarnerup unitsinnejarnissa sioqqullugu minnerpaamik sapaatit akunnerinik 12-inik ilimasaarutigineqassaaq, ima pisoqanngippat:

- 1) Inuup innarluutillip imaluunniit tassunga angajoqqaatut sinniisoqarsimaguni sinnisuuta inissisimanerup unitsinnejarnissa erseqqissumik allakkatigullu akuerisimappassuk,
- 2) inummut innarluutilimmut tunngatillugu mianerisassat ilimasaarinissamut piffissaliussap taassuma saneqqunneqarnissa pisariaqartissimappagu, imaluunniit
- 3) mianerisassat annertuut allat ilimasaarinissamut piffissaliussap saneqqunneqarnissa pisariaqartissimappagu. Aningaasaqarnermut pissutit tunngavigalugit piffissaliussaq saneqqunneqarsinnaanngilaq.

Imm. 6. Imm. 2, nr. 1-3-imi aamma imm. 3-mi aamma imm. 5-imi aalajangersakkat, inuit innarluutillit, Kalaallit Nunaata avataani najugaqarfissatut neqeroorummiinnerisa unitsinnejarnissaat imaluunniit Kalaallit Nunaata avataani najugaqarfissatut neqeroorummut nuutinneqarnissaat pillugit communalbestyrelsip aalajangiinerinut taamaaqataanut atuupput. Inuup innarluutillip kommunimi angerlarsimaffisaani communalbestyrelse aamma inissisimanerup unitsinnejarnissa imaluunniit najugaqarfissatut neqeroorummut allamut nuunnejarnissa pillugu aalajangiisoqannginnerani, Kalaallit Nunaata avataani kommunimi najugarisamit allaganngorlugu nassuaammik piniassaaq.

Kapitali 15

Nakkutilliineq

§ 62. Kapitali 9-mi aalajangersakkat malillugit inummut innarluutilimmut najugaqarfissatut neqeroorummiittumut, inummut sammititamik kommunimi angerlarsimaffigisami communalbestyrelse nakkutilliissaaq. Nakkutilliinerminut ilaattillugu, najugaqarfissatut neqeroorummiinnermi inuup timikkut, tarnikkut inooqatigiinnikkullu pisariaqartitai suli naammassineqarnersut communalbestyrelsip qulakkiissavaa.

Imm. 2. Imm. 1 malillugit nakkutilliineq nalunaaqqaarluni nalunaaqqaarnaniluunniit nakkutilliinertut ingerlanneqarsinnaavoq.

Imm. 3. Naalakkersuisunit qinnuigineqarneq tunngavigalugu, communalbestyrelsip nakkutilliinermik ingerlatsineranut paasissutissat kissaatigineqartut tamaasa nassiunneqarnissaat, communalbestyrelsip pisussaaffigaa.

Imm. 4. Imm. 1 malillugu inummut sammititamik nakkutilliinermut maleruagassanik erseqqinnerusunik Naalakkersuisut aalajangersaasinnaapput, matumani ilanngullugit:

- 1) communalbestyrelsip nakkutilliisussaatitaanerminik ingerlatsinera,
- 2) nakkutilliinermik aaqqissuussinera,
- 3) nakkutilliisussaatitaanerup naammassineqarnissaanut atugassarititaasut piumasaqtillu, aamma
- 4) communalbestyrelsip nakkutilliinermut nalunaarusiamik suliaqartarnera.

§ 63. Najugaqaqatigiiffinnut aamma najugaqarfinnut illersugaasunut kapitali 3 malillugu communalbestyrelsimit pilersinneqarlutillu ingerlanneqartunut, ingerlatsinermut sammititamik communalbestyrelse nakkutilliissaaq.

Imm. 2. Imm. 1 malillugit nakkutilliineq nalunaaqqaarluni nalunaaqqaarnaniluunniit nakkutilliinertut ingerlanneqarsinnaavoq.

Imm. 3. Naalakkersuisunit qinnuigineqarneq tunngavigalugu, communalbestyrelsip nakkutilliinermik ingerlatsineranut paasissutissat kissaatigineqartut tamaasa nassiunneqarnissaat, communalbestyrelsip pisussaaffigaa.

Imm. 4. Imm. 1 malillugu ingerlatsinermut sammititamik nakkutilliinermut maleruagassanik erseqqinnerusunik Naalakkersuisut aalajangersaasinnaapput, matumani ilanngullugit:

- 1) communalbestyrelsip nakkutilliisussaatitaanerminik ingerlatsinera,
- 2) nakkutilliinermik aaqqissuussinera,
- 3) nakkutilliisussaatitaanerup naammassineqarnissaanut atugassarititaasut piumasaqtillu, aamma
- 4) communalbestyrelsip nakkutilliinermut nalunaarusiamik suliaqartarnera.

§ 64. Qitiusumik nakkutilliinermik ingerlatsivimmik Naalakkersuisut peqassapput (nakkutilliinermik ingerlatsivik).

Imm. 2. Kommunalbestyrelsip Inatsisartut inatsisaanni matumani maleruagassanik ingerlatsineranik allaffissornikkullu aqtsineranik pingaarnertut nakkutilliinermik ingerlatsivik nakkutilliissaaq.

Imm. 3. § 18-imi aalajangersakkat malillugit ulloq unnuarlu neqeroorutinut pilersinneqarsimasunut ingerlatsinermut sammititamik nakkutilliinermik ingerlatsivik nakkutilliissaaq.

Imm. 4. Nakkutilliinermik ingerlatsiviup imm. 3 malillugu ingerlatsinermut sammititamik nakkutilliinerminut ilaatillugu, ulloq unnuarlu neqeroorutini pissutsit nakkutigissavai aammalu ulloq unnuarlu neqeroorummik oqaloqateqarneq ingerlatissallugu.

Imm. 5. Imm. 2 aamma 3 malillugit nakkutilliineq nalunaaqqaarluni nalunaaqqaarnaniluunniit nakkutilliinertut ingerlanneqarsinnaavoq.

Imm. 6. ingerlatsinermut sammisumik nakkutilliinerup aaqqissuunneqarnera aammalu imarisassai pillugit maleruagassanik erseqqinnerusunik Naalakkersuisut aalajangersaassapput.

§ 65. Nakkutilliinermik ingerlatsiviup pisariaqartumik kinaassutsimut upternarsaammik

takutitsinermigut eqqartuussivimmillu aalajangiivigineqaqqaanngitsumik, paasissutissat kommunip ingerlatsiviata pigisai tamaasa § 64, imm. 2 malillugu nakkutilliinermiini naleqquttuusorisatik takusinnaavaat, tamatumunnga aamma ilaapput paasissutissat inunnut tunngasut mianerisariaqartut kiisalu suliffiup iluani allattugaatigineqartut.

§ 66. Nakkutilliinermik ingerlatsivik, § 64, imm. 2 malillugu nakkutilliinermut atatillugu, allaganngorlugu nakkutilliinermut nalunaarusiamik suliaqassaaq tassanilu nakkutilliineq pillugu kommunalbestyrelsimit naoqqutarineqarsinnaasunik piumasaqaateqassalluni. Nakkutilliinermik ingerlatsivik aammattaaq nakkutilliineq tunngavigalugu kommunalbestyrelsimit pisussaaffiliisumik makkuninnga peqqusissuteqarsinnaavoq:

- 1) Inatsisartut inatsisaat manna aallaavigalugu communalbestyrelsip § 25 malillugu suliani ingerlanneqartuni sullissinermik qulaajaaneq aallartissagaa, imaluunniit § 26 malillugu iliuusissanut pilersaarusiussasoq, taakkulu suliamik suliaqarnermi aallartitsinerit piffissap nakkutilliinermik ingerlatsiviup aalajangigaata iluani naammassineqarsimassapput. Suliap imaluunniit suliat qanoq ingerlanerat pillugu nakkutilliinermik ingerlatsiviup communalbestyrelsip ataavartumik paasissutissiisarnissa piumasaqaatigisinnaavaat,
- 2) Nakkutilliinermik ingerlatsiviup nakkutilliinermiinnut atatillugu naliliippat, suliani pineqartuni communalbestyrelse Inatsisartut Inatsisaanni matumani aalajangersakkanik malinnissimanngitsoq, communalbestyrelse suliamik naammassineqarsimasumik kingumut aallartitseqqissaq, aamma
- 3) Nakkutilliinermik ingerlatsivimiit nalilerneqarpal suliami ingerlasumi imaluunniit naammassineqarsimasumi najugaqarfissami neqeroorummiinnissaq pisariaqartinneqartoq, tamannali neqeroorutigineqarsimanngitsoq, § 25 malillugu Nakkutilliinermik ingerlatsivimmit piffissaliunneqartup iluani communalbestyrelsip qulaajaaneq aallartissavaa.

§ 67. § 64, imm. 3 malillugu ulloq unnuarlu neqeroorummit nakkutilliinermut ingerlatsiviup ingerlatsinermut sammititamik nakkutilliinerannut atatillugu paasissutissat pisariaqartinneqartut tunniunneqarnissaat Nakkutilliinermik ingerlatsiviup pisinnaatitaaffigaa.

§ 68. § 64, imm. 3 malillugu nakkutilliinermik ingerlatsiviup nakkutilliinerminut atatillugu ulloq unnuarlu neqeroorummut peqqusissuteqarsinnaavoq. Peqqusutip naammassineqarnissaanut nakkutilliinermut ingerlatsivik piffissaliisinnaavoq.

Imm. 2. § 64, imm. 3 malillugu ulloq unnuarlu neqeroorutini ataasiakkaani pissutsit taamaattussaatippassuk, annertusisamik nakkutilliinissaq pillugu nakkutilliinermut ingerlatsivik aalajangiisinnaavoq.

Imm. 3. Imm. 2 malillugu nakkutilliinermik ingerlatsivik peqqusissuteqarpal imaluunniit annertusisamik nakkutilliinissamik aalajangiippat, communalbestyrelsit inissiisimasut nakkutilliinermik ingerlatsiviup nalunaarfigissavai.

Imm. 4. Qaqugukkut annertusisamik nakkutilliinermik aallartitsisoqarsinnaanersoq, aammalu qaqugukkut peqqusissuteqartoqarsinnaanersoq pillugit maleruagassat erseqqinnerusut Naalakkersuisut aalajangersassavaat.

*Inunnut innarluutilinnut siunnersuisooqatigiit, inunnut innarluutilinnut politikki aamma
pitsaassusissanut malitassat*

§ 69. Kommunalbestyrelse inunnut innarluutilinnut siunnersuisooqatigiinnik pilersitsissaq. Inunnut innarluutilinnut siunnersuisooqatigiit inunnut innarluutilinnut politikkikkut apeqqutini kommunalbestyrelsimit siunnersuissapput aammalu innuttaasup aamma kommunalbestyrelsip akornanni najukkami politikkikkut apeqqutit tamaasa, inunnut innarluutilinnut tunngasut pillugit isummersuutinik ingerlatitseqqittassallutik.

Imm. 2. Kommunalbestyrelsip inunnut innarluutilinnut siunnersuisooqatigiit suliniutit inunnut innarluutilinnut pingaaruteqartut tamaasa pillugit tusarniaaffigisassavai.

Imm. 3. Inunnut innarluutilinnut siunnersuisooqatigiit apeqqutit inunnut ataasiakkaanut tunngasut suliarisinnaanngilaat.

Imm. 4. Inunnut innarluutilinnut siunnersuisooqatigiinni ilaasortat sisamat aamma arfineq pingasut akornanni amerlassuseqarput. Inunnut innarluutilinnut siunnersuisooqatigiit, kommunalbestyrelsimit aallartitanik, kommunimi imaluunniit allani isumaginninnermut suliassaqarfimmi kommune sullillugu suliassanik attuumassuteqartunik suliaqartartuni sulisunik, aammalu inuit innarluutilillit peqatigiiffiinit aallartitanik, amerlaqatigiinnik ilaasortaqartillugit katitigaassapput. Kommunalbestyrelse inunnut innarluutilinnut siunnersuisooqatigiinni aallartitaqassaaq.

Imm. 5. Inunnut innarluutilinnut siunnersuisooqatigiit pisariaqartumik allattoqarfeqarnermut tunngasunik suliassaataannut kommunalbestyrelse ikuutissaaq.

Imm. 6. Inunnut innarluutilinnut siunnersuisooqatigiit suliaqarnerat katitigaanerallu pillugit maleruagassanik erseqqinnerusunik kommunalbestyrelse aalajangersaassaaq.

§ 70. Inunnut innarluutilinnut ataqtigiissumik politikkimik kommunalbestyrelse ilusilersuissaq. Inuit innarluutilillit qanoq sullinneqarnissaat naatsorsuutigineqarsinnaanersoq imaluunniit qanoq pisinnaatitaaffeqarnersut pillugit, Inunnut innarluutilinnut politikki paasissutissanik imaqassaaq. Kommunalbestyrelsip qanoq iliorluni inunnut innarluutilinnut tunngasut kommunimi suliassaqarfinni tamani politikkini pilersaarusiorernilu aamma ilanngutsinnissaat qulakkiissaneraa pillugu, inunnut innarluutilinnut politikki paasissutissanik imaqassaaq.

Imm. 2. Kommunip inunnut innarluutilinnut politikkimik suliaqarneranut inunnut innarluutilinnut siunnersuisooqatigiit kommunalbestyrelsip akuutissavai.

Imm. 3. Inunnut innarluutilinnut politikki allaganngorlugu ilusilersorneqassaaq aammalu kommunip nittartagaani tamanut saqqummiunneqassalluni, kiisalu Naalakkersuisunut ilisimatitsissutit nassiunneqassalluni.

Imm. 4. Inunnut innarluutilinnut politikki sivisunerpaamik ukiut sisamakkaarlugit iluarsineqartassaaq.

§ 71. Kapitali 8 malillugu inunnut innarluutilinnut tapersiisarnerup pitsaassusissaannik kommunalbestyrelse aalajangersaassaaq. Pitsaassusissanat tapersiinerit ataasiakkaat suussusaasa imarisai, annertussusai ingerlanneqarnissaalu pillugit paasissutissanik imaqassapput. Pitsaassusissanat aalajangersagaasut qanoq malinnaavigineqassanersut pillugit, Kommunalbestyrelse aalajangiissaq.

Imm. 2. Kommunalbestyrelsip Inatsisartut inatsisaat manna malillugu tapersiinerisa tamarmik

imaluunniit aalajangersimasumik suussuseqartut piviusunngortinnejernerannut pitsaassusissanik aalajangersaasoqassanersoq pillugu, kommunalbestyrelse aalajangiisinjaavoq.

Imm. 3. Imm. 1 aamma 2 malillugit pitsaassusissat allaganngorlugit suliarineqassapput. § 70 malillugu immikkut taamatullu inunnut innarluutilinnut politikkip ilaatut, kommunip nittartagaani tamanut ammasumik saqqummiussisoqassaaq. Pitsaassusissanut malitassat ilisimatitsissutitut Naalakkersuisunut nassiunneqassapput.

Imm. 4. Imm. 1 aamma 2 malillugit pitsaassusissat, pisariaqartitsineq malillugu aammalu minnerpaamik ukioq allortarlugu, communalbestyrelsip iluarsaattassavai.

Imm. 5. Imm. 1 malillugu pitsaassusissat ilusaat imarisallu pillugit maleruagassanik erseqqinnerusunik Naalakkersuisut aalajangersaasinnaapput.

Kapitali 17

Aningaasalersuineq aamma akigititanik naleqqussaasarneq

Aningaasalersuineq

§ 72. Inatsisartut inatsisaat manna malillugu inunnut innarluutilinnut tapersiinermut aningaasartuutit kommuninit akilerneqassapput.

Imm. 2. *Inatsisartut inatsisaat manna malillugu ulloq unnuarlu neqeroorutit pilersinneqarnerannut ingerlanneqarnerannullu attuumassuteqartut, Naalakkersuisunit akilerneqartassapput.*

Imm. 3. § 19 malillugu ulloq unnuarlu neqeroorutip ingerlanneqarnera kommunit akigititanik akiliisarnerannit aningaasalersorneqassaaq.

Imm. 4. Inatsisartut inatsisaat manna malillugu kommunit tamarmik immikkut namminneq najugaqaqtigifiutiminnik aamma najugaqfiutiminnik illersugaasunik pilersitsinerminnut ingerlatsinerminnullu aningaasartuutit akilertassavaat.

Imm. 5. Inuk innarluutilik Kalaallit Nunaanni oqartussaasut tapersiinissamut iliuuseqarnerisigut Kalaallit Nunaata avataani inissinneqarsimappat, Inatsisartut inatsisaat manna malillugu tapersiinermut aallartinneqartumut aningaasartuutinut atatillugu iliuuseqartussaatitaaneq aamma utertillugit akiliisarneq pillugit maleruagassanik erseqqinnerusunik Naalakkersuisut nunatsinni ingerlatsivinni oqartussat allat isumaqtigalugit aalajangersaasinnaapput.

§ 73. § 48 malillugu inunnut innarluutilinnut ulloq unnuarlu neqeroorummi inissinneqartunut tunngatillugu, kommunit akigititamut akiliuteqarnissaat ulloq unnuarlu inissiinermut ataatsimut aningaasartalerlugu naatsorsorneqassaaq.

Imm. 2. Ulloq unnuarlu neqeroorut meeqqanut innarluutilinnut § 48 malillugu ulloq unnuarlu neqeroorummi inissinneqartunut kaasarfimmussanik atisassarsiutissanillu tunniussissaaq.

Imm. 3. Imm. 1 malillugu kaasarfimmussanut atisassarsiutissanullu aningaasartat kommunit akigititamut akiliutaanni ilaatinneqarput.

Imm. 4. Akigititamut akiliutissaq imm. 1-im i taaneqartoq pillugu maleruagassanik erseqqinnerusuni Naalakkersuisut aalajangersaasinnaapput, matumani aningaasartuutit suut kommunit akiliutaanni ilaatinneqassanersut pillugu aalajangersakkat ilanngullugit.

Imm. 5. Imm. 2 malillugu kaasarfimmussat atisassarsiutissallu pillugit maleruagassanik

erseqqinnerusunik Naalakkersuisut aalajangersaasinnaapput, matumani tunniussisarneq aamma aningaasartat annertussusissaat ilanngullugit.

Akigititanik naleqqussaaneq

§ 74. Akigititat Inatsisartut inatsisaat manna malillugu inatsimmi tunngavissinneqartut ukiumut ataasiarluni nalimmassarneqartassapput.

Imm. 2. Akigititanik ukiut tamaasa ulloq 1. jannuaari aalajangersaaneq Naalakkersuisut tamanut saqqummersittassavaat.

Kapitali 18

Naammagittaalliorneq

§ 75. Inatsisartut inatsisaat manna malillugu kommunalbestyrelsit aalajangiisarneri isumaginnittooqarfuiup aqunneqarnera aaqqissuussaaneralu pillugit Inatsisartut peqqussutaanni aalajangersakkat malillugit Isumaginninnermi Naammagittaalliuuteqartarfimmum naammagittaalliuutigineqarsinnaapput.

Imm. 2. Inuk innarluutilik imaluunniit taassuma suliami sinniisuititaa, matumani § 24 malillugu illersorti ilanngullugu, naammagittaalliuummik imm. 1 malillugu suliakkiussinissaq pillugu Inunnut Innarluutilinnut Sullissivimmit Nunamut Tamarmut Atuuttumit siunnersorneqarnissamik ilitsorsorneqarnissamillu qinnuteqarsinnaavoq.

Kapitali 19

Aalajangersakkat allat

Kisitsisit atorlugit nassuaasiaorneq

§ 76. Kommunalbestyrelse kisitsit atorlugit nassuaasiassian assigisaannillu, Naalakkersuisut piumasarisaannik, nassiussinissamik pisussaaffeqarpoq.

Imm. 2. Imm. 1 malillugu kisitsisit atorlugit nassuaasiassian assigisaallu nassiunneqartussat, annertussusissaat aammalu taakkua qanoq nutarterneqartassanersut nassiunneqartassanersullu pillugit maleruagassanik Naalakkersuisut aalajangersaasinnaapput.

Pineqaatissiissutit pillugit aalajangersakkat

§ 77. Inatsisartut inatsisaanni matumani aalajangersakkat naapertorlugit kommunalbestyrelsip oqartussatut pisussaaffimi naammasinissaat annertuumik imaluunniit arlaleriarluni sumiginarpagu imaluunniit qarsupippagu, Naalakkersuisut kommunalbestyrelse pinngitsaaliissutinik akilersuinissamik pisussaaffilersinnaavaa, matumani ullormut akiliisitsinerit ilanngullugit.

Imm. 2. Pinngitsaaliissutinik akilersuisitsinerit Inatsisartut inatsisaanni matumani inatsimmi tunngaveqartut, Nunatta karsianut tutsinneqassapput.

Kapitali 20

Atuutilersitsinermut ikaarsaarnermullu aalajangersakkat

§ 78. Inatsisartut inatsisaat manna ulloq 1. januar 2020 atuutilerpoq.

Imm. 2. Peqatigisaanik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersoq atorunnaarsinneqassaaq.

Imm. 3. Allaffissornikkut najoqqutassiat Inatsisartut peqqussutaanni taaneqartumi imm. 2-imi inatsisitigut tunngaveqartumik aalajangersagaasut, taarserneqarnissaasa imaluunniit inatsimmi matumani imaluunniit Inatsisartut inatsisaanni allani inatsisitigut tunngaveqartumik maleruagassanik aalajangersaanikkut atorunnaarsinneqarnissaasa tungaanut, atuutiinnassapput.

Kalaallit Nunaanni Namminersorlutik Oqartussat, ulloq 12. juni 2019

Kim Kielsen